


# UBWĪPUTI-PŪTI

## BWA YESEBĒLI

 Unko uswe tusyāle twīmīle itolo pakabalilo, akabalilo kākō uswe tukupa Kyala ubupālisyō kuli iki. Unko uswe twinamisye imitu gyitu.

Gwaipyana kangī Tata Mwikemo Kyala, uswe tuli bahobofu fiyo ukuti Ugwe gwe u—u Kyala, kangī u butuli bulabula nkabalilo ka lutamio. Uswe tukukupalisyā Ugwe panongwa ya iki Ugwe ubombile kuli uswe. Uswe itolo tukabagila ukuyoba, ukufuma ku ndumbula syitu, mumo uswe tukupalisyā iki, kangī mumo Ugwe kwisa ku buponesyo bwītu akabalilo kākō uswe tuli mu lutamio. Uswe tumanyile, ukwisila mu fyinja, ukukusubila Ugwe nukwitika Ugwe.

Kangī une ngusuma, pamusi apa, Ntwa, ukuti Ugwe kwisa kōnenelaga isayo Syako pa bandu aba. Pali yaga ukuti pakayapo u mūndu yumoywēne u mōnywa nkati mwa uswe akabalilo kākō ububōmbēlo ubu bumālīke. Linga apene pabagile ukuyapo yumo muno uyu akaya ntalusye na Kyala, galiyaga a Maka aga gasyūsīsye Yeso ukufuma ku lipumba, gikunyenyesya imibili gyabo igyākūfwa, Ntwa, kangī umoyo gwābo, nu kusanusya abēne kwa Ugwe. Tupaga ikyene, Ntwa. Bala kisita Mbepo Mwikemo, ili liliyaga lisiku limo ilikulumba ili abēne batisakwibwamo siku, kabuno iliyene liliyaga lisiku ili Kyala ikōnelelaga u Mbepo Gwake pa bēne. Tupaga ikyene, Ntwa. Swaga imbibi syitu.

Uswe tubagile ukwīputa ukuti Ugwe kusayaga Nkundwe Sullivan, ugwītu gwaipyana kangī umwinitu umpala, na minogono gake ku bandu, nu kugela ukutwāla ku bēne ububagile bulibōsa ubu bubagile ukutūla, ukubatūla abēne. Une ngusuma ukuti Ugwe kusayaga Nkundwe Sullivan.

Sayaga abalumbilili nkisu kyosa, kulikosa. Bapaga abene ubukinde ubwīngi, Ntwa. Abēne balimikāga bakifu pa kigemo nukufumusya i Lisyu Iya Kyala, kabuno uswe tukwitugasya mu sala isyakwigala isya syambukulu isya kisu iki. Unko ubununu Bwāko bubikeg'unsyūngūlu pa uswe ntubalilo utu. Kabuno uswe tukusūma mu Ngamu ya Yeso. Amenī.

Mulitugasya.

Une ngupalisyā fiyo kwa umwe bāndu bo, kwa Kyala, panongwa ya iki. Nkundwe Sullivan ākyēgīle ikyēne pa mwēne. Umwe muketile, ikyēne āngāli kitikuya kitalusye kuli Nkundwe Sullivan ukubōmba ikyo, polelo uswe twātendekesyaga

ukwitendekesya kuli ikylene. Uswe tukupalisya ugwe panongwa ya kisa kyako.

<sup>2</sup> Kangi, lilino, panongwa ya—ya ikyābūpi kya lugano, ikylene...ugwe ukāfimbilisigwaga ukubomba ikyo. Umma, ikyo kikali kyākulōndígwa. Muketile, itolo...abēne bikuhōmba ifimeleligwa, ku bugono ni fyākūlya, iki uswe twālinakyo, kangi ikyo kyo itolo lōsa kwāli kwākufūmbwa. Lōli ndaga fiyo, nalōli nikisa, kangi iyēne kisakubūka kukutūla abamisyoni nu kutwāla abāndu kwa Kyala. Patisakuyapo ni ngāmbō silisyōsa sisakūlīgwa ni yēne, ubwālwa bulibōsa, nakimo iki kisobi, iyēne yisakubūka kuli ikīndu ikitalusye. Kangi une ngwīpūta ukuti Kyala isa kubīka ikyo pa nyāmbi yīnu kumwanya kula, nu kubāsya iyēne kaelifu kalongo, i dola yiliyosa, pamo—pamo i sumuni, pamo i mbwagaya yimoyene iyi umwe mwapele ku bubombelo ubu.

<sup>3</sup> Kangi, lilino, une ngulōnda ukupālisya a Bābwite ba United States pa kwītikisya uswe ukuya nakyo ikiyūmba iki ukwītūgasyāmo, ukuya ni ngomano isi. Une naloliloli ngubomba ngubapalisya abene ni ndumbula yangu yosa.

<sup>4</sup> Kangi bo une ngupilikisya, Nkundwe Sullivan āyobile kilikyōsa kyābagile ukuhōmbigwa mōsa kanunu. Uswe tukasōkāmō siku nkāya nalīno, tukumeleligwa isumuni yimoyēne, lōli iki kilikyōsa kyāpākisigwe; uswe tutikwitika mu kalikosa akangi. Ugwe kufimbilisigwa ukusita kumeleligwa na aligwesa, ugwe kufimbilisigwa ukuya mfwānefwāne kangi ngoloke. Kangi linga ugwe kumeleligwa nu mūnduyumo, būka kakētāne na bēne nu kubabūla abēne ukuti ugwe kumeleligwa na bēne, lōli itolo bakupepo ugwe akabalilo kanini, kangi ugwe kwisakuhomba ikyēne. Muketile? Bwila, ikyo kyo kinunupo...Ikyo kyo bungw'ale ubununu bwa Kīkristi: ukuya gwabwanalolindumbula, gwakwimikigwa.

<sup>5</sup> Ugwe kulonda ukwitugasya itolo iki ugwe kuyobapo. Linga ugwe utikwītūgāla ikyēne gwīmwenē, ubagile bulebule ugwe ukugūlila umunduyumo uyūngi ukwītūgāla ikyēne, umwe mukētīle. Polelo umwe mwe bakalata basimbigwe, bikubaligwa na bandu bosa, polelo akabalilo kosa yaga gwabwanalolindumbula, itolo, gwabwānalōli. Yoba u bwānalōli, kali bo bulebule ububībi ikyēne kikufulasya ikindukimo. Yoba u bwānalōli, mulimōsa, 'nongwa yakuti ugwe akabalilo kōsa ubagīle ukuyoba ikyēne injila yilayila akabalilo kalikōsa. Kangi linga ugwe kuyoba ubutungulu, ugwe kufimbilisigwa ukubuka amamailosi elifu-elifu ukusyungutila, kangi pōpe ugwe kufimbilisigwa ukugomokela ku butungulu bula kangi; kangi ugwe itolo utendike ikindu ikinyali fiyo. Yaga itolo gwabwanalolindumbula, kangi ugwe ubagile akabalilo kosa ukuyoba ikylene mu njila yilayila panongwa yakuti ikylene kyo bwanaloli.

<sup>6</sup> Iyo yo njila ni i Bāngèli. Yoba ikyēne itolo i njila i Bāngèli likuyoba ikyēne, komma ukupepusyāko ni kyēne, yoba ikyēne itolo injila yila, itolo . . . ikyene kisimbigwe papapa apa kangi—kangi ugwe ubagile ukusosola u lōbe lwāko ku kyene. Ikyēne kyo—ikyēne kyo . . . iyo yo njila ugwe kuponjolèla Sētāno. Sētāno āyobīle kwa Yeso, “Linga Ugwe gwe Mwanundumiana gwa Kyala, unko uswe tukukēte Ugwe kubomba ikiswigo. Abēne bikuyoba Ugwe gwe ‘mbomba kīka.’ Sanusya isangalabwe isi ukuya nkati, kangi unko uswe tukēte. Ugwe uli ni njala.”

<sup>7</sup> Umwene alinkuti, “Loli ukwene kusimbigwe, Umundu atisakuya nu bumi nu nkati gwene mma.” Muketile? Umwene alinkwega i Lisyu lya Tāta nu kuponjola u mōhési, palapala pa fūndo syāke syēne. Popāpo ugwe ubagile ukubōmba ikindu kilakila, ukupōnjōla u mōhési pa fūndo syāke, ni Lisyu lya Ntwa.

<sup>8</sup> Polelo, une akabalilo kōsa ngupālisya kwa Nkundwe Sullivan. Iki kyo . . . Nhobokela ubuyobelo ubu: Une ngwinogona akabalilo kāko abēne bātēndīke Nkundwe Sullivan ukuti Umwēne itolo āsopīle ulufwānikisyo. Akayapo nayumo bo umwēne. Alipo umūdu yumoywene ntiga une nālyagenēmo siku mbūmi bwāngu uyu ālingumbwīsye une isya Nkundwe Sullivan, yula āli E. Howard Cadle. Une ngamanya kali umwene ammenyemo umwene siku umwene pamo mma, ukufuma ku—ukufuma . . . Nkundwe Cadle āli itolo nnunu gwaiyolo ndumiana gwantwāya bo yu Nkundwe Sullivan. Kangi umwēne ābagile ukubīka amaboko gāke pāsi mu nyāmbi syāke pabutali fiyo mpaka ifitulikilo-fya-sulubali fyāke fyākwābigwe kubutali pāsi, nu kuyoba nu ntu gwake ndubafu, kangi umwene āli itolo yumo E. Howard Cadle. Kangi popāpo une ne—une ne nsangalufu fiyo ukuya nu Nkundwe Sullivan ukuya mwīnake kangi nkundwe mu Nongwainunu. Kangi une ngusuma ukuti Kyala isakusayaga umwēne na kapanga kāke akanini pamwanya apa, unkasi gwake umpala, abaganigwa bake.

<sup>9</sup> Kangi kwa umwe, mwe balumbilili abangi aba bali apa, kwa umwe ni kilundilo kyinu, balumbilili ba Nongwainunu Nyīsusye, pa tunini utundu twābumang’anyi twa Lisimbo uswe tubagāle ukukānikāna na yumo nu nnine. Une ngukānikāna nu nkasi gwāngu pa findu fimo. Kangi umwe mumenye iki ikyo kili pafiki? Umwēne ākiganīle ikisyēsye kya apulo kangi une nkiganīle ikya tupaso, polelo uswe tukukānikāna. Kangi une ngubabula umwe iki une ngubōmba ni kyāngu: Une nkaganīle akanunu akapyāno akapatu ka kisyēsye kya fipaso (Une nābagīle ukwīkasya ikyēne lululu lilino) nu konelela inyēmba pa mwanya pa ikyene, kangi polelo ukōneléla u lūki pa mwanya pa kila; kangi, nkundwe, ugwe ukabīle i kindukimo ikifwāne pakulya! Unkasi gwāngu ikutīla ikyēne. Une ngwīnogōna umwēne ikutīla ifyakutupisya. Umwene abagile ukukigana ikyēne, loli umwe mumenye mumo abakikulu bayilile, abene bikutīla . . . Abēne bikuya basekele fiyo ugwe ubagile ukubalasa

abène na kasindano nu kubatumula abène ku kifupa, kangi pope abene bikulonda uku—abene bikulonda ukupüngulako. Ikyo kyo kipeligwa kya bene, une ngusakikisya, polelo kilipo. . . Kangi, lōli une nkiganile ikyo. Lilino, uswe tukukānikána pa ikyo, ifindu ifingi uswe tuli kanunu mōsa. Lōli, umwe muketile, uswe tukaya nubupelelesye mu bupilikisano mma. Polelo uswe tubagile ukukēta i kindu kilakila, bakundwe, lōli ikindu ikinywāmu, uswe tukulya ikisyesye, ikyo kyo kīndu ikinywāmu.

<sup>10</sup> Pabunywāmu, pa losyo lwa Mbepo Mwikemo, kangi ukwisa kwa Kristi, kangi ni fikulumba ifyaibāngeli, ifimanyisyo fyalwālo ifya i Bāngèli, uswe naloliloli tukwīma lukōngi-mu-lukōngi na ikyo. Ukuya bamobēne banywāmu bakūndwe bibūngēne, kisita kipīngo kyakipānga-kipāgūke, kisita kalikōsa ukupīnga uswe, uswe tukukūya kubwa ku Kalvari ukuya bābwīte bamobēne abakulumba, palikimo.

<sup>11</sup> Linga une mbagilemo siku ukuya gwa butūli bulibōsa kwa umwe, une nisakusāngalukāga ukubōmba ikyēne. Kangi une nsisimikisye ugwe ubagile ukuyoba ikindu kilakila kwa une. Kangi ugwe ubagile ukuya butuli kwa une. Kangi ikyo kyo kindu kimokyene iki ugwe ubagile ukubomba, iki une mmenye, ko kunyiputila une, ukuti Kyala atisakundekamo siku une ukubūka nsobi. Une—une—une. . . Ikyene kikaya mu ndumbula yangu ukubuka mbusobi, une—une ngulonda ukubuka nubutalusye, une ngulonda ukubomba iki kyo kitalusye. Panongwa yakuti une ngusyagania, mūmo Nkundwe Jack Moore aalimbulile une akabalilo kamo, umwēne ātile, “Nkundwe Branham, une ngābagile ukwīma m’filato fyāko ku bōsa ubwēndelēmo bwāko, ku Lisiku lya Bulōngi, panongwa yakuti Kyala ikuyaga pakulōnda ukufuma kwa ugwe ilyāmulo ilikulumba,” alinkuti, “panongwa yakuti Umwene akupele ugwe maelifu-elifu ga bāndu mmaboko gāko.”

<sup>12</sup> Lilino, linga une mmenye une ngwīma kula nukwamulila a bāndu bala, polelo lo luko luki ulwa Nongwainunu ulu une ngufimbilisigwa ukulumbilila? Lo luko luki ulwa bwanalolindumbula, akabalilo kako une ngukolekesya ifiguligwe fya Lilopa Lyake mmaboko gangu? Kangi mūmo Umwēne āmbēle une ikikūngilwa kimo uku. . . ukukīnda u nsyūngūlu gwa kwīlāmwa, umundu aligwesa ugwamahala abagile ukumanya ikyene kikufimbilisigwa ukufuma kwa Kyala. Kangi na ikyo, linga une nandongosyaga umundu yumo ukusōkapo pa njila insobi itolo panongwa yakuti ikibugutila kimo kiyobile ikyo, Kyala isakumbela une ukuhōmba panongwa ya ikyēne pa Lisiku lya Bulōngi.

<sup>13</sup> Lōli akabalilo kāko une nāyibwēne imboniboni, apa pakaya patali mma, nukubapilika abāndu bala bikuywēga. . . Ngimba umwe mwākapilikisye aka būku kīnu akanini nkilo kyammayolo? I—*Lisyu* lya Banyāmbāla Babiashara. Ako

ko kanunu. Kangi mu mboniboni... Akabalilo kamo uswe twīsakuya nakyo ikyēne kisimbigwe mbusolofu bōsa; ikyo kikaya fyōsa fya ikyēne mma. Loli mu ikyo, kangi nukukēta kila, kangi une nālīmīle pala itolo ukuya—itololo mūmo une ngwīma lilino. Kangi une nīkētāga nīmwenē ndāmbalēle pala pa kitala, ngukētēsya u nkasi gwāngu, kangi pōpe nīmīle apa ngwīkēta nīmwenē. Kangi apa bālipo abandu bala bīmīle ukusyungutula bo ulo akabalilo kako une nāyōbile, “Ngimba Pauli isakulongigwa panongwa ya Nongwainunu umwene ālumbilīle?”

14 Alinkuti, “Ena.”

15 Une ndinkuti, “Une ndumbilile i Lisyu lililyosa itolo katikati injila iyi umwēne ābombile.”

16 Kangi maelifu-elifu galinkulāta, “Uswe tukwīgēmekēsya pa Ikyo!”

17 Iyo yo njila une ngulonda ikyēne ukuya akabalilo kako une ngukilania kula, muketile. Une ngulōnda ikyēne ukuya injila yila, itolo bo ulo, itolo iki Pauli āyōbile. Ndikulonda ukongelalako ikindu kimokyene ku Kyene, ukusōsyako ikindu kimokyene ukufuma ku Kyene. Itolo iki i Bāngēli lyāyōbile, iyo yo njila itolo une ngulonda ukukyunga ikyene ukubūka, umwe muketile. Kangi ēna, umwe kyūnga ikyēne bo ulo, ifipānga-fipāgūke pa lubafu lulilōsa kisakufyūsya mmwanya imbīngo ukulwāna ni Lyēne.

18 Kangi polelo, utubalilo twingi, abakundwe bikwinogona ukuti une ngulwana na bakundwe bangu. Kyala amenye ukukindana ukufuma ku ikyo, pene papo Umwēne amenye iki kyo bwanaloli. Muketile? Ikyēne kikaya ukulwāna na bakundwe, ikyēne kyo ikipāngānio iki kikupela uswe ukusita kuya bakundwe. Ilyene likaya Lisyu lya Kyala likutukyunga uswe ukufuma ukuya bakundwe, ikyēne kyo kipāngānio iki uswe tukwīlūngisyāko mula iki kikukyūnga uswe ukufuma ukuya bakundwe. Uko ko kutalusya. Polelo, kokūgu uswe tukufimbilisigwa ukwima? Ima pa Lisyu, kangi Kyala isakukwāba bosa abandu ku Lyene (uko ko kutalusya) pa—pa ikyo. Komma nasiku ukupāngānia ikyēne, kupānga-kupāgūka ikyēne, itolo kyūnga ikyēne palema nalinga mwa Kyala, kangi itolo ukūmilisya ukwēndela nkyēni; itolo kukētēsya u bumalikisyo, kolelēla mwīkitike, Kyala isakutwāla ifīngi fya ikyēne.

19 Filipino ifindu fīngi fīyo ifi ugwe ubombile kuli une, ifi une ngupalisya ikyēne. Lilino linga une mbagīle ukukutula ugwe, ukukupā ugwe akēnda ka lwīpūto pamo ikindukimo. Lilino, komma ukundālūsya une ikimanyisyo, panongwa yakuti une—une ndikunyonywa ukubōmba ikyo. Bīngi fīyo abāndu bikunsimbila une amalālūsyo aga bwēgi nu kusōka na fyōsa bo ifyo, iki kyo lukanikano mu kipānga. Une akabalilo kosa

ngubasôsólèla abène kunyuma, nukuyoba, “Ndalusya untimi gwako.”

<sup>20</sup> Abāndu bālisimbile une abakalata apa nukuti, “Bule isya *iki*? Kangi bule isya *ikyō*?” Une ngusôsola u kalata kunyuma, ugwe kwikupilikisya ikyēne. Agana nu ntimi gwāko pa tūndu utunini panongwa yakuti, muli mōsa, umwēne yo ntima-ng’osi gwāko. Umwene—umwene yo—umwene yo yūyo uyu Kyala ātumīle ukukukētēsya ugwe. Kangi uswe tubagile ukukānikāna pa kyēne, kangi polelo ikyō kyo kutēndēka ubufuluganikano mu kipānga kyāko. Uswe tutikulōnda ikyō. Umma! Umma! Uswe itolo tukulōnda umwe ukuleka ukubōmba ifindu ifi fyabutulanongwa, ifindu pānja pa i Bāngèli, kangi itolo ukūmilisya ukwēnda nkyēni kubwa kwa Kyala. Muketile? Kangi linga ugwe kutēndēka ukugūsana kunīni ni findu bo ifyo, ifi fikusyūtīsya ikipānga. Popāpo, une kinunupo u ntimi gwīnu ababūle umwe isya bwegi nu kusōka, ni findu *ifi* ni findu *fila*, unko umwēne abōmbe ikyēne. Umwēne yo mbombi gwa Kyala yōpe, kangi umwēne apīg’w’ifyōmbo ukubōmba ikyō.

<sup>21</sup> Kumbukilāga u m’Samaria unnunu uyu ālimmwāgile u mūndu umfulale? Umwēne ālintwēle umwēne ku bugono (ikyō kyo kipānga) nu kumpa unyāmbāla yula pala isumuni ibili, kangi ālimbūlile umwēne linga umwēne āfūmbilwe ikyākōngelelāpo kilikyōsa umwēne āngāli ikuhōmba akabalilo kāko umwēne ikwīsa. Popāpo, umwēne ali ni sumuni ibili, umwēne abagile uku gānga ugwe mōsa linga umwēne yo nnyāmbāla gwa Kyala. Linga umwene yo nnyambala gwa Kyala uyu ikwima pa Lisyu lya Kyala, umwene—umwene ali na iki Kyala ampele umwene: u Mbepo ni Lisyu. Ngimba ikyō kitalusye? Ngimba bo bulebule ikyēne uswe tukufimbilisigwa ukummwīpūta? Mwa Mbepo *na* mu Bwānalōli. Kangi i Lisyu lyo Bwanaloli. Ngimba ikyō kitalusye?

<sup>22</sup> Lilino, ndaga ugwe fiyo nikisa, kangi. Kangi lilino, une ngatele fiyo, kangi nalōlilōli ngatele pamusi apa, une ndikulōndāmo siku ukwītūgāla mu hoteli iyīngi ukuya butali bo mūmo une ndimūmi. Ikibugutila kya ba kinwelwa, kangi ikilo kyosa, ukutika ififigo nu kukūta, na bakikulu. . . O! Une itolo nālītūgēsye mmwanya, kyōsa ikilo. Ikyō kyo kyōsa. Kangi popāpo une—une ndikulōndāmo siku ukuya ni hoteli iyīngi. Une nīsakubūka ku moteli. Une nguyaga pakwīyēgēla nimwēne i ligali-lya-fyombo ukuti une mbāgile ukugona mu yēne, pānja pa lubīngilo kubuyobumo. Une nguyaya pakukitwāla ikyēne, ukwiyēgēla une i kihema ni kikwāma kyākugonel’utulo, pamo kubuyo bumo kūko une mbagile ukufika kwa nimwene, kubuyo bumo. Uko ko kotalusya.

<sup>23</sup> Ikyēne kyo kyabutulanongwa fiyo, ikisu iki, fyōbène! Ikyēne kisyūngutiligwe, kangi kibolile ku kikōngoti. Papapa pamwanya apa mu buyo ubūngi, mu kīsu kīnu. . . Komma kyēne ikīsu iki, kulikōsa. Papapa pamwanya apa, ifyinja finandi ifi fikindilepo,

une naali mu—mu lukomano lwa nyiputo pamwanya apa nkaya, akaya akanywamu. Kangi ikilo kila ikibugutila kyabwiputi, i kipanga kya orthodox na batubwa, bāli nu lukomano-lukulumba. Une—une siku... Une nāli mu Africa pāsi pa mājēle kangi kilikyosa, une ngāpilikemo siku kalikosa bo ulo. Kangi ulubunju lwa kilabo, (une ngabagila ukubabula umwe katikati, uswe tuli kilundilo ikifuluganisigwe)... balambalele pa kipalo, ifīndu ifyāmwālwe ifi fyāfumile pakubōmbigwa, isupa sya bwālwa mwalwe-mwalwe. Kangi abanike abakeke bala, balumiana na balindwana nkyumba kimokyene ikilo kyosa, palikimo. Kangi ulubunju lwa kilabo, u “tata mwikemo” itugesye panja pala, kangi abene bikwisa pala ukwinama ku mwene bo *lula*. Pāsi pa Ngamu ya Yeso Kristi!

<sup>24</sup> Ngimba une nsyutil’untu? Ngimba fiki—kitamisye fiki na une? Une ngabagila ukwīkāsya itolo ifindu ifyo! Ikyene... ikindukimo kikuseniyenda une ntumbakasya akabalilo kako une nguketa ikyo. Ngimba ikyo ko kwimilila Untwa Yeso gwāngu? Abagāle, ulusekolo lwamwālwe ni fīndu fyāmwālwe ifi... fibōmbeligwe pa bala abanyāmbāla abakeke na bakīkulu, filāmbalēle pa kipālo kangi mu butāgilo imīndu, ni supa kangi... O, mwe, bununu! Mubagile umwe ukubilikila kila Kikristi? Fyōbēne i kīsu kili mu kayīlo kābutulanōngwa. Ena, ngimba untulwanongwa ikuyoba fiki akabalilo kako umwene ikukéta kila? Maelifu ga bene.

<sup>25</sup> Abalīndwāna bala bagālile fīyo abēne balinkutoligwa kifuki ukwīma mmwanya, kangi mu kyūmba ikilo kyōsa na balumiana bala, kangi ukuyobelo ubutīlisya ububwāpufu ugwe upilikēmo siku mbūmi bwāko. Une nābīkile ikyakwīgēmēsya pamwanya pa ntu gwāngu bo *ulu*, ukugela ukubūka kukugon’utulo. Panja pa lubīngilo, bagēle, kangi ukubopa ukufyūka kangi ukusuluka pa kipālo bo ulo, bīpūti!

<sup>26</sup> Lilino, une mbagile ukugūlila abāndu aba ababutulwanongwa ngati, lilino, aba bikukōlēla bēne fyabusālo, panja pala mu ngino sya mpila. Yumo mwa bāna bāngu āngālī ikwāndako kubwa mbako ya mpila, une āngālī ngumbopesya umwēne pānja pa kīsu. Uu-huu. Kubilikila ikyo kukina, ikyo kikaya kukina. Kyo fiki iki... Līnga ugwe kulōnda ukuya ntalusye, yaga ntalusye na Kyala. Kyābwānalōli.

<sup>27</sup> Une ngulonda ukubala kwa umwe, itolo amasyu ukufuma mwi Bāngēli. Umwe mukugagaga amasyu manandi aga une ngulonda ukubala apa ukuya tusimbo, aga gikwagigwa mu ntu gwa 17 ugwa Banyafyāle Bakwanda, ilinandi lya 1.

*..Mumo u NTWA Kyala gwa Israeli alinubumi, pankyeni pa uyu une ngwima, patisakuyapo'mma indungwa pamo ifula mu fyinja ifi, ... ukufwana ni lisyu lyangu.*

Banyafyāle Bakwānda, gwa 1 unt-...gwa 17 untu, lya 1 ilinandi.

<sup>28</sup> Linga une mbagīle ukubatumba umwe akēnda ka lwīpūto, akabalilo kalikosa, itolo simba kwa une; umpākisyo gwāngu apa, uyu alipo lilino, Nkundwe Maguire. Balinga bēgilēmo siku akēnda ka lwīpūto ukufuma kwa uswe? Unko uswe tukēte ikiboko kyāko. Ima mmwanya, Nkundwe Jim. Une ngulōnda ukukēta ku...ugwe, kangi unkasi gwāko yōpe. Apa alipo umpākisyo gwāngu nu nkasi gwāke, aba bo bikubōmba, aba bātumile...Uyo yo ndumiana nu ndindwana uyu ikutumumba ugwe akēnda kākō akālūpūto ukufuma ku lukomano, bosa-babili a Bakristi abikemesigwe. Kangi ilisyu, ilinyafu ilinini lila umwe mukupilika mu fōni akabalilo kako umwe mukungolela une, uyo yo nkikulu unnini itugesye pala, unkasi gwake. Ugwise nu nyina, kangi bala, bali apa na uswe umwisyugu; kangi—kangi abaganigwa, bosa ukusyungutula. Popāpo...Kangi polelo umwe umenye umpākisyo gwamfibānja gwangu, Tāta Mercier, Nkundwe Leo Mercier, umwēne ali apa pabuyo bumo, kangi Nkundwe Gene Goad. Kangi polelo linga uswe tubagile ukutumumba ugwe akēnda ka lwiputo, akabalilo kalikosa, kalikosa uswe tubagile ukubomba, ukwīputula ugwe pa foni; kalikosa uswe tubagile ukubomba, uswe tukubombaga ikylene.

<sup>29</sup> Uyu u nyāmbāla umboneke nhēsya ni ngili mu kiboko kyāke, amakato gāko gīkinyile, ifisige fyāke fikulāngāla nu Lwīmiko lwa Kyala, indefu syake sikuputa pa lubafu lwa umwēne, akayabo akālusyōya akaiyolo aka kipapa kya ng’osi kiniembeteligwe ukusyungutula umwēne, umwēne ātendēgā ilikato lyāke itolo nubukafu mūmo umwēne ēndāga ukusuluka unsebwē ukubuka ku Samaria. Umwēne akāli fiyo gwakukētapo, lōli umwēne āli na ISI SYO IKUTI U NTWA ku kīsu ikikulumba kila ikya Israeli. Ena, Eliya un’Tisibi, unsololi gwa Ntwa. Umwene akāli kīngi fiyo ikyakuketa, loli umwēne āli ni Lisyu lya Ntwa.

<sup>30</sup> Umwene akaatilaga ukwima pa nkyēni pa mwalafyale, kabuno umwene aali mu Kuyapo kwa nkulumbapo ukukinda u mwalafyale, umwene aali mu Kuyapo kwa Yehova. Polelo, umwene aamenye apa umwene aalīmīlēpo. Kangi akabalilo kākō umwēne ālyēndile pankyēni pa mwalafyāle umwēne akalilāmūwile pamo ukuyob’ikitabu, umwēne āmēnye iki umwēne āyobelaga ngapo. Umwene abagile ukuyoba kwa mwalafyale, “ISI SYO IKUTI U NTWA KYALA GWA ISRAELI, ‘Yitisakuyako i fula pamo indungwa mpaka une njikolelege iyene.” Nongwa ya fiki umwēne āyobīle ikyo, “Mpaka une nguyibilikīla kuli iyēne. Ukufwāna ni lisyu *lyāngu*”? Panongwa yakuti umwene aali ni Lisyu lya Ntwa, umwene aali nsololi, kangi unsololi ali ni Lisyu lya Ntwa.

<sup>31</sup> Ikyene kyo kindu kyakuswīgīsyā ukukēta ikifwanikisyo pakati pa Israeli ugwa Lwitikano Ulukūlu na America lilino.



Bosa-babili ba abēne bāli fikolo ifikulumba. Bosa-babili ba abēne bāfumile pakwāligwa, kangi abāndu bābo bāfumile pakwisa kula, panongwa ya mabufwīmigwe gābwīpūti.

<sup>32</sup> Israeli āfwīmígwa na Faraο kangi āli mbutumwa ku bamia ba fyīnja, kūko abēne balyūmisigwe isya kwīpūta u gwābwānalōli kangi Kyala gwābūmi, kangi bābīmīle isya lusako lula; kangi abēne balinkuya batumwa. Lōli Kyala ātēndīke abēne ulufingo mu i Bāngēli Lyāke, pamo mu Lisyu Lyāke, kangi ukwisila mu basololi Bāke, ukuti Umwēne isakubapa abēne i kīsu. Kangi abēne bāfumile pakwisa mu kīsu iki nu kubaguta kunyuma abītūgasi ba kīsu kila, kangi bāfumile pakupoka ikilīngo kyābo, kabuno Kyala āli ni fundo ya kubomba ikyo.

<sup>33</sup> Kangi momūmo kiyīlile ikīsu ikikulumba iki ikyītu. Uswe tukwisa kuno, kangi pa Lyālabwe lya Plymouth ikīsu iki kyālyālīgwe pa bwābuke bwa bwīputi panongwa yakuti abatāta-ba-pabwāndīlo bāfumile pakubopa ubwufwīmīgwe bwa kiRoma bwa kipāngānio kya Yesebēli gwālino, kangi bālīsile kuno nu kwikasya ifwīmo ingulumba nyīngi kangi ukufwīla pāsi pa kipāngānio kya Yesebēli ikyābutūngūlu. Kangi ukufwana ni li Bangeli, ilya Busetuli, untu gwa 13, Kyala āfīngile abēne i amīsiga-ndulanga, nu buyo bumo, kabuno unkīkūlu apīmbigwe mu lulangalanga kūko umwēne āswīligwe kuli akabalilo, akabalilo, kangi ukutapulanania kwa kabalilo. Kyala ātēndīke ulufingo kwa America, pamo ku kipanga (ku nkīkūlu), ukwisa nkisu iki.

<sup>34</sup> Ngimba umwe mukētesīsye Busetuli 13? Fyōsa ifinyamana ifingi fyāsōkile ukufuma ku nyanja, amisi; Busetuli 17:17, ātīle, “A mīsi aga ugwe gwākētīle lo lusīngi ni filūndilo fya bāndu.” Fyōsa ifinyamana ifingi, ifyēne fyātupwike mmwanya ukufuma mu mīsi, ulusīngi kangi ifilūndilo fya bāndu. Loli akabalilo kako u United States ikufyukila mmwanya, “Ikyene kikwisa ukufuma nkisu kuko bakalipo abandu.” Kangi kumbukilaga, akabalilo kako ikyene kikwisa pala, ikyene kyabonekaga ukuya bo kang’osi akanini.

<sup>35</sup> Lilino, kang’osi alinasyo i mbembe ibili, kangi ago go maka gāndyāli na gakipanga. Lōli akabalilo kāko agēne gabūnganisigwe, kumbukilaga, polelo u kang’osi yula alinkuyoba ngati nyīfwila yābōmbīle pabutasi pa mwēne; kangi i nyīfwila āli Roma.

<sup>36</sup> Akabalilo kāko inyīfwila yālīmīle pankyēni pa nkīkūlu ukuti yilāsulānie u mwāna gwāke mbimbibi itolo bo akēne kapāpīgwe, inyīfwila ingesefu. . . Yūyo ālīmīle pankyēni pa nkīkūlu Israeli, ukunyāfulania u Mwāna mbimbibi itolo Akēne kāpāpīgwe, nu kutuma pānja ulufwīmo nu kugoga bōsa abāna ukufuma ifyīnja fibili mbukusi ukusuluka? “Roma, i nyīfwila, ālīmīle ku nkīkūlu ukunyāfulania u mwāna gwāke mbimbibi bo akēne kāpāpīgwe.”

<sup>37</sup> Kangi polelo, uswe tukwaga, ukuti ikisu iki kyāfyukile mmwanya bo i kisu ikyābūke, kangi kyāli. . . kyāli na kang’osi,

iki kikusanusya u Kang'osi gwa Kyala. Lōli, ukukinda pa kabalilo, ulubatiko lulalula ulu uswe tuli nalo, lulinkuyoba ngati nyīfwila nu kubōmbēla amaka i nyīfwila yālinago pabutasi pa mwēne.

<sup>38</sup> Ifyēne fikufwānikisania, yumo ku nnine, nubupelelesye. Kangi kumbukila akabalilo kāko aba. . . Israeli ālisile pala nu kwēga ikisu kya kāya kāke na Palestina, alinkugutila kunyuma bōsa abitūgasi ba kisu kila nu kupoka i kisu. Uswe twālīsile nkati nu kwēga ikyēne ukufuma ku Bamwenye, ukubakaga abēne kunyuma nu kupoka i kisu. Kyala āli ni nōngwa kuli ikyo. Kyala ayaga pakubonesya ikisu iki Umwene aabagile ukubomba na—na kapanga kanini ka bandu aba balondaga ubwabuke, nu bwābuke bwa bwīputi, ukumbōmbēla Kyala.

<sup>39</sup> Ngimba abēne bābōmbile fiki kuli Israeli? Umwēne āpelile Israeli i kikolo ikya maka ukukīnda nkisu, kangi umwēne āsyēle injila yila mpaka umwēne āsōkilēpo pa bwīgāne bwa Kyala. Ngimba Umwene aabombile fiki na Amerika? Umwēne āpelile Israeli i kikolo ikya maka ukukīnda nkisu mpaka umwēne ikusōkāpo pa bwīgāne bwa Kyala. Fikufwanikisania, yumo ku nnine, katikati.

<sup>40</sup> Akabalilo kāko Israeli āfyūkile pa kisu, abēne bāli a—a bāndu abakulumba panongwa yakuti abēne bāli nu bulongosi ubukulumba. Abene bali na banyambala abatila-Kyala pamwanya pa bene, bo yu Davidi, Mwalafyale Solomoni. Ikiu kyosa kyabatilaga abene, kangi abene bilikyēlile u lusako lula ulwa kisita bwite, kisita indamyo, nu kwitugala pāsi pa maka ga Kyala, mpaka abāndu ukufuma mōsa ukukilania i kisu ikimanyigwe kilinkwisa ukubakēta abēne. Kyala ābapēle abene ikikūngilwa kya kumanyila-ngāni, ikyēne kyāli pa Solomoni. Kangi u ndēnga gwa Kwitongo, ukufuma. . . ndēnga gwa Sheba ālīsile injila yōsa ukufyūka ukukilania Lulangalanga lwa Sahara (ālyēgile imyēsi mitatu) itolo ukupilika a mahala ga Solomoni. Kangi akabalilo kako umwēne akētīle ukuti Solomoni abagiile ukulingania imbepo, nukupela ukumanyisigwa ku mwene isyakubutitu mu ndumbula yake, umwene alinkuti, “Kyosa iki une naapilikepo isya ugwe kyaali kitalusye, kangi ukongelelapo palubafu.” Umwene āpilikisye ukuti yula āli Kyala.

<sup>41</sup> Kangi America, pa lwalo lwa abatāta-abatasi aba bālisile kuno ku bwabuke bwa bwīpūti. . . Uswe twāli na banyāmbāla bākuyāla mmasiku gala, ukuya balongosi: George Washington, Abraham Lincoln, abanyāmbāla ba lwīho ulufumuke, abanyāmbāla ba Kyala. Amerika aali Amerika, mmasiku gala.

<sup>42</sup> George Washington, apa ku Kikoga Forge, bo umwene akāli ukunkilania u Delaware, ikwīpūta ikilo kyosa, mpaka umwēne ātimile mpaka mu nsana gwāke, afugēme mu matalala. Kangi ulubunju lwa kilabo akabalilo kako aba Amerika bālyandileko

ukukilania, balipo itolo kifuki malongo mabili mwamia yumo ba beene baali ni filato ifyakufwala, a Bābwite ba kiMerika. Loli abene bāli ni fundo, abene bāli ni kindukimo iki abene bafimbilisigwaga ukulwila. Abēne bakāpāsyağa iki kyālisile pamo kyābūkile. U ndimi ikwīsamo nkati, ālīmisyē u plago gwāke nu kusōsyāko i ngambako syāke, nu kwēga i ndusu yāke kangī alinkubūka ku kulwa kuli iki umwēne āmēnye bwāli bwābūke. Kangī i lisiku ilikōnge, une ngwītika ikyēne kyāli, mina pamo mihano imibwīna gya fipolopolo, ifipolopolo fya ndusu, fyābūkile ukukīnda ikijāsī kyāke ni kitili kangī nasiku ukumpalamasya umwēne.

<sup>43</sup> Abāndu ba Kyala, aba bālyālīle ikīsu iki, abanyāmbāla abakulumba! Yo nongwa abēne bāsīmбіle:

Pabutali ikīsu kyītu kiliyaga kyēlu  
 Nu bwēlu ubwīkēmo bwa bwābūke,  
 Tupākisyē uswe na maka Gāko  
 Nkulumba Kyala, u Mwalafyale gwitu!

<sup>44</sup> Akabalilo kamo aka kakindilepo, une nāyobaga ku nnyambala unkangale ukusuluka ku Corydon, Indiana. Umwēne ālimbūlile une ukufwana na kabalilo kāko i likulumba lyāli mu Corydon, kangī mūmo umwēne. . .alinkuyoba mūmo umwēne ābūkile mu gileta lya ngāmbako ukusuluka ukwakupilika u—u ndindilila ikuyoba. Kangī umwēne nu ndīndililī bāli bo bēne babili aba bāli nu tupatu tubili, i sūti, bafwēle. Ayobile ukuti umwēne ākusyāga i ng’osi nu kumwa isyēne, nu kusuka ulusyōya lwābo, abalumbu bāke balukaga ulwēne nukutēndēkela umwēne i jekete ukubūka ni sulubali yāke. Kangī u mwinitu unkangale itugesye pala, akabalilo kala ugwafyinja malongo lwele-na-fihano pamo malongo-mahano-na-mana mbukusi, alinkukwaba indefu syake bo *ulo*, kangī umwene alinkuti, “Billy, ako ko kabalilo kāko *Amerikee* āli *Amerikee*.”

<sup>45</sup> Une ndinkunketa umwinitu unkangale, kangī une ndinkwinogona, “Ndumiana, ugwe, bīngi ba aba bakeke aba bākābagile ukwītika ikyēne, lōli ugwe kuyoba u bwānalōli.”

<sup>46</sup> Fyo fiki fyābonike kwa Israeli ukufuma lōsa u lwālo lwabunyakyala ubu? Abēne balinkwānda ukuya basitakupāsya. Abene balinkwanda ukufika pa buyo kūko abene, ena, abene bakāpāsyağa iki kyābūkile. Abēne balinkwānda ukubūka ukuya bakololofu mu lwīpūto lwābo kwa Kyala, palema nalinga abēne bākolelile u luko lwa bwīpūti-pūti itolo bo uswe tulinabo. Abēne bāli nu luko lwa bunyakyala. Lōli abēne bikwānda ukufika bābūke na bāndu bābo, kangī—kangī abene balinkwanda ukutwala nkati ubusāmbūke ubukindanekindane mu kipanga kyabo. U bwīpūto bwa Baalim bulinkwānda ukwāfulila nkati, kangī Israeli alinkuya nsyūtāno nubwīnōge, bagāle, kangī ifindu ifya lubo bo *ulo*, kangī kubumalikisyo balinkutwālamu

abalôngòsi aba bakālimènye Kyala; Ahab, uyu ālīngil'ikilīngo pa gwīse. Kangi u gwīse āli nyāmbāla unsita-kyala, mundu unkabi, lōli mūndu nsita-kyala. Kangi umwēne ābōmbīle imbībi syōsa, ukukīnda aligwēsa pabutasi ba umwēne ābōmbīlēmō siku. Lōli Israeli, mkayilo ka bugāle ubulēngūke bwābo, abēne balinkumbīka u nnyāmbāla nkati bo lula, nukumbīka umwēne pa kikota ukuya ndagili pa bēne. Abēne bālinogwīne ikyēne kyāli kanunu mōsa, itolo bomūmo bīngi ba kiMerika bikubōmba umwīsyūgu, “Umwene yo gwandyāli, polelo ko kukindananki iki ikyene kikipela? Ikyene kitisakupela ubukindane bulibosa mma, panongwa yakuti umwēne yo gwandyāli nnuu.”

<sup>47</sup> Bīngi ba kiMerika, bīngi fiyo ba bēne, bagulisīsyē panja ubwābūke-bwakupāpigwa bwābo, ukuya gwa kiMerika yumo, nu kuyoba, “Ko kukindananki uko ikyene kikipela, pēne pāpo ugwe kuya na ma dola manini agakongelelāpo ukufuma ku sikali nukuya mūmi?” Abēne bāgulīsyē pānja ku lwānda, kangi ku finyonywo nu kwīsyūka kwa kīsu kyabutulwanongwa, nu kwibwa ikindu kilakila iki uswe twāfikīlepo pa Lyalabwe lya Plymouth. Abēne bālibībwe ikilīngo kyītu, nu kubūka nu kūlisya pānja ku filūdilo ifisyūtano-nu-bwīndōge. Bo mūmo ukwēne kwāyīlile mmasiku ga Israeli, momūmo ukwēne kufumile pakuya, America ēgile unsebwe gulagula, ukusuluka kulakula i njila yilayila, ubwīndoge!

<sup>48</sup> Bo kakīndīlēpo akabalilo, i sikali yilinkwītikīsyā ubutulwanongwa: “Itolo pēne pāpo ugwe gwāli ni sinagogi, ko kukīdana kuki ikyēne kyātēndekāga?” Ikyo kyo katikati iki Amerika aabombile. Kangi uswe tukwānda ukwīpāngānia twībēne palikimo nu kutēndēka utubugutīla utunini, kangi ukōngelelāpo ifyabutulwanongwa, ukōngelelāpo ifyabutulwanongwa, ukōngelelāpo ifyabutulwanongwa. Uswe āngāli tukwitugasyaga ni fundo syanalolololi isi uswe twāfikīle kuno! Ubutulwanongwa bukwānda ukwāfulīla nkati mu kipānga itolo ngati ubwēne bwābōmbīle akabalilo kala. Abakikulu bikwanda ukutumula inywili syabo, ukufwala imyenda igyabulogwe, ukutumulako igyene pa kyinja kilikyosa kangi. . . Kangi abanyāmbāla bikubōmba *iki, kila*, kangi i *kīngi*, nu kukina amakādi ni ngino sya banko mu kipānga, kangi itolo ukuya bankīsu mūmo abēne bāli, basyūtano nubwīndōge, abagāle abalēngūke.

<sup>49</sup> Abalumbilili bikumalīsyā ukufuma ku sukulu ya bunyakyala, kangi u bishopu ikuyoba, “Lumbilila, balumiana, kilikyosa iki umwe mukunyōnywa. Bomūmo une nsimanyīle, i lilopa lya Yeso Kristi lyālyūmīle lōsa ifyīnja bamia kalongo-nabahano-na-bana ifi fikīndīlēpo.” Mpaka ikipānga kilinkufīka ku nakimo lōli i kipāngānio kimo, ngati kigono. Umwe mulingībwa ngamo siku pamusi apa! Ukwisa ukuya ngati bugono, ikīsu kīkwānda ukwāfulīla nkati, abalūmbilili bikwānda ukupepusyāko itolo mūmo abēne bābōmbīle mmasiku ga Ahabu.

Babutulwanongwa, babólile ku kikóngòti, kangu ukukĩndílila kangu ukukĩndílila icyène kilinkubũka itolo nu bukafu mũmo icyène kyābagile ukubũka.

<sup>50</sup> Palema nalinga Kyala aatumile unsololi ukufuma nsololi, kangu ni fisa ifitenenefu Umwène āsumile ku bāndu, kangu abēne bāsyumbutwīsyē i nyuma syābo pa Lyēne. Abēne bālōndāga injila yābo, abēne bāli ba Israeli, abēne bāli bābũke, abene baali kisu ikikulumba, abatata-abatasi bābo baabombile *kyakuti-na-kyakuti* (Davidi na Solomoni), abene baabagile ukubomba iki abene baalondaga. Itolo ikindu kilakila iki uswe twālilēpo twibene, katikati; iki Washington, abatata bitu abatasi, kangu iki abene bālimilile. Loli, nkundwe, uswe tuli amamailosi elifu-elifu ukufuma ku findu ifyo; ifipanga fyītu fili, amamailosi elifu-elifu.

<sup>51</sup> I kyaiyolo . . . I kipanga kya Methodisti umwisyugu, ku iki i kipanga kya Methodisti kyālisibīle ukuya! Iki aba kiPentekosti bali umwisyugu, kangu iki icyene kyālisibīle ukuya! Iki aba Baptisti bali umwisyugu, ku iki icyene kyālisibīle ukuya! Uswe twāli na kabalilo ukugomokela nukuyoba isya Yohani Smith na bingi ba bala abapyanikisania. Yohani Smith āyobīle, bo akāli umwēne ukufwa, āyobīle, “Ikindu ikinyali kyo kya kuti abakikulu ba kiMethodisti bikwanda ukufwala isambo sya golidi pa nyobe syābo.” Methodisti! Ngimba umwēne abagile ukuyoba fiki umwisyugu ukubabona abēne ni nywili syabo situmuligwe, kangu nu kusingula mosa nkisyo kyabo, bafwele ibundu? Iyene yo nongwa ya butulwanongwa!

<sup>52</sup> Fyo fiki Kyala abōmbile mu America? Atumile uluyigo ukufuma pa luyigo, luyigo ukufuma luyigo. Abalumbilili balumbililaga i Lisyu, bagelile ukubakolela abandu ukugomokela kwa Kyala. Kangu ngimba abene bābombile fiki? I kindu kilakila iki Israeli ābombile, bākipīkile Ikyene! Balinkubũgila abēne! Ukubakōlēla abēne “bīkēmo-babũnguluka”! Babasopile abēne minyololo!

<sup>53</sup> Linga yumo mwa bakalumbu bangu kangu yumo mwa bakundwe bangu, ukufuma nkipanga iki umwisyugu, ābagile ukuti ālimile mu hoteli yila ikilo kyammayolo kangu āfyūsīsyē amaboko gāke mmwanya nu kuntūfyā Kyala kangu ālātīle mu kyũmba kila, abene āngāli bikuya mu mmīnyololo umwisyugu pa icyene. Lōli abagāle, ikipāmbō ikilēngũke kya butoyofu “basitabīkēmo-babũnguluka” babagile ukwīma pamwanya pala nu kuywēga ikilo kyōsa; kangu bagēle, kangu bikutuka nu kukola imyēnda gyābo ukusōsyāpo pa bakīkũlu bābo nu kwēndendeka, nu kugwa pa kipālo nu kuywēga ikilo kyōsa ikitali, kangu pōpe abēne bakabagila ukuyoba i lisyu lya icyène. Fyōbēne uswe tugunīgwe pāsī pa kiboko kya Kyala!

<sup>54</sup> Kētēsya, ukukĩndila nu kukĩndilila, Kyala ātumile abalumbilili, ukubōmba ifimanyilo ni fiswīgo, ukusisimikīsyā

i Lisyu Lyāke. Kangi kīngi kya kīndu, bīngi ba bakulumba-ba-kipānga bālino bālīpīkile Ilyēne nu kūgila uluyigo lulilōsa. Uluko lwa mumo-bikubilikiligwa Kipanga kya Kristi na bene, “Amasiku ga fika gakindile.” Ukugela ubununu bwābo bōsa ukukitumula ikyēne lōsa ukufuma ku basyāle abanini bala ba Kyala. Bomūmo ikyēne kyāli mu Israeli, momūmo kiyīlile ikyēne umwīsyūgu. Utubalilo twingi, Kyala ikufimbilisigwa ukusosya abandu Bake panja pa fipāngānio ni fipaguko, ukubēga abēne pānja mu lulangalanga pabēne, ukuyoba ku bēne. Kangi Umwēne ikuyaga na basyāle, komma umwe ukupāsya isya ikyo. Umwēne ābōmbīle akabalilo kala, Umwēne isakubōmba lilino. Nkyēni na nkyēni abēne balinkubūka ukukīndamo mu butulwanongwa, ukōgèla ukukīndamo mu findu. Fiki? Ubulōngosi bwābo, kikayako nakimo ukwīmika ikyēne.

<sup>55</sup> Ena, nubwanalolindumbula, une mmenye ifikolo fingi ukuti linga abēne bābagile ukukola abāndu pa lukīndi bafwēle bomūmo uswe tukubōmba kuno mu America, abēne āngāli bikubīka abēne mminyololo. Akabalilo kāko une nābūkile ku Saint Angelo, mu Roma (lilino, inogona isya ikyēne, ukuya kyāpāsi bomūmo ikyo kili), abēne bāli ni kimanyilo pamwanya pala, kifuki pa fyūmba fya Saint Angelo, “Ku bakīkūlu ba kiMerika: ‘Tukulamba fwāla i myēnda kangi gīndika abafwe.’”

<sup>56</sup> Linga kilipo kilikyōsa iki kikupela ugwe ukubina, ko kukēta ikipāmba kya bakōlelīgwa-lūlo baMerika bikwīsa mula. Une nālītūgēsye pāsi, ku Lausanne, uswe twīkyelāga unyōfu gumo, ilisiku limo, Nkundwe Arganbright na une. Ilisiku lya kilabo, uswe twagomokiile panongwa yakuti ukwene kwaali kulya kununu. Une nabagiile ukwēga amisi gamo kula, abēne bakābagile ukupa nakimo loli u bwalwa. Kangi une nātūwālāga amīsi, une nāfimbilisigwāga ukupīmba nīmūwēne isupa ya mīsi pasi pa lukōngi lwāngu nīmūwēne, akabalilo kōsa, panongwa yakuti abene bakābagile ukupa ugwe amisi pa kigemo. Polelo une nābūkile nkati mula, kangi filifyōsa fyāli finunu mpaka “Ndindwana America” ikwīsa mula na kanini, akabwāpufu, akamapūngo-mumbulo akabwa aka pudu; alinafyo fyakufwana ifyakwīmogēsya ifya mu lilūka-lya-sumuni-kalongo afwēle bo ulu, kangi ingāmba ndali mpāka ku bumalikiyo bo ulu, itūgēsye pāsi pala afwēle ikindukimo iki umwēne akāli; kangi alinkutūgāsya akabwa ka pudu kala pa kigemo, kabwāpufu, akandu akakinyanyasi.

<sup>57</sup> Ikyene kyo . . . imbwa kyo kindu kinyali ukukinda iki Kyala ikuyobapo. Kyōpe ni kyākalōngo kya syēne kikabagila nu kuhōmbīgwa mu nyūmba ya Kyala. “Ikyēne kili bo undogwe, ikyakalongo kya gwamalaya,” ili Bāngēli lyāyobīle. Kangi, pōpe, mwaketa lelo umwe. Abēne bisakubōmbaga ukukwīmika ubupāpi nu kuhōmba amadola elifu yumo, kifuki, kuli akabwa akanini akaiyolo; nu kukalōngosya akēne ukusyūngutula nu kupa akēne u lugano lwa mwāna, popāpo umwēne abagile

ukubopa pānja ikilo kyōsa butali, kangi isakubōmbaga ukwīmika ubupāpi.

<sup>58</sup> Ngimba fyo fiki fikugūlila lōli ubufuluganie! Umwe mukabagila ukupilikamo siku amasyu gāngu kangi, lōli une ngulōnda umwe ukukūmbukila iki: Uswe tuli kubumalikisyo!

<sup>59</sup> Kula, uswe tukwaga iki kyābonike, fiki fyābobile. Kubumalikisyo, i sala *ingulumba* yikwisa: Ahabu āsaligwe, kangi akabalilo kāko umwēne ābōmbile, umwēne ālyēgile Yesebeli; yula unkīkūlu umbolano ugwaiyolo uyu ālōngwisye gwēsa gwa Israeli ku bwīputafiwāni. Kangi mumo Israeli ābobile akabalilo kala, fiki, iki. . . Abēne bābagile ukuti bāli mu kayīlo ka bugomokelanyuma, ukuti nasiku ukuleka ikīndu bo ikyo ukubōmbigwa mu kikolo kyābo. Indagilo sitendekigwe na bandu kuli a bandu, kangi uswe tubobile ikindu kilakila!

<sup>60</sup> Kalipo akabalilo kako America angali akaya. . . abēne bāmēnye kanunupo ukukīnda ukubagila ukundeka u ndōgwe gwaiyolo, ugwāmālāya gwaiyolo uyu ānwāga i lilopa lya bafwile bala, ābagogile abēne, kangi i nōngwa abēne bābōpile ukufuma kuno, kuli u bwābūke, abēne bakābagile ukwīkasya nakyo nakimo ngati ikyo. Ikyēne kikunāngīsyā uswe tuli mu kayīlilo ka kugomokelanyuma, i kikolo kyōsa, ukusala u luko bo ulo. O, ena, lilino umwe. . . bamo ba umwe banunu bafwananyuma baDemokrati mwīsa kwīnogōna iki, ukuti “O, ena, umwene isaku—umwene isakupelaga untu unnunu gwa ndyali.” Ikyo kibagile ukupilikigwa mōsa kinunu ukwīnogōna, ku līnogōno lyamumbili. Lōli ku Lisyu lya Kyala kangi i līnogōno lyamwambepo, ikyēne kitikupilikigwa mma. Naloliloli ikyēne kitikubōmba, utudola utunāndi pānja kangi imisōngo gimo pamo ikindukimo ngati ulutumulo ulu.

<sup>61</sup> Kangi uswe tukuya na kabalilo akakafu, ababangeli bitu mu fibānja umwisyugu, panongwa yakuti lilino uswe tukwēgigwa i kikolo kya Kikatolika. Fiki, nalōli, Russia ikwēgigwa ukuya gwakikomyunisti panongwa yakuti abēne bali nu ndōngōsi gwakikomyunisti. Red China ikwēgigwa ukuya gwakikomyunisti panongwa abēne bali nu ndōngōsi gwakikomyunisti. Uswe tukwēgigwa ukuya baKikatolika panongwa yakuti uswe tuli nu ndōngōsi gwa Kikatolika.

<sup>62</sup> O, akabalilo kako Ahabu āli pa kikota. . . Ugwe kuyoba, “*Umwene ali* pa kikota.” Uko ko kotalusya, lōli Yesebeli āli yo ntu kunyuma ku kikota kila. Umwēne āli yo yūyo uyu ābōmbile ubulongosi. Kēta mūmo umwēne ālyēgile indagilo silasila isya kīsu nu kusiniōngāsya isyēne ukusyūngutila, kangi panongwa ya kukaba kwāke mwēne kangi panongwa ya bupafu, nu kupela Ahabu ukubomba ikyēne panongwa yakuti umwēne ālyēgigwe ku mwēne. Kangi iyo yo njila nu ndongosi gwitu umwisyugu. Une ndikuyoba ukuti umwene akaya nnyambala nnunu mma, loli keta iki kili kunyuma kwa mwene: ugwamalaya,

ikindu kilakila iki uswe twābópìle (ukuya Amerika) panongwa; ifimanyisyo filafila ifi America ayengigwepo. Uswe, ukwisila mu kusala kwītu ukwābwābūke, twāsālile i kīndu bo ikyo.

<sup>63</sup> Lilino umwe mukukēta nongwa ya fiki i lisyu lyāngu lisakwīmikīgwağa nalōli lululu. Lōli umunduyumo ikuyaga pakumanya! Ena! Nongwa ya fiki? Busetuli 2:20, umwene ālikōlīle mwēne “nsololi-nkīkūlu.” Umwe itolo kētēsya i liyiga lya butulwanongwa bukuboneka lilino. Umwe kētēsya ikikōngōlo kikubūka ukufika ku kikōngōlo. Umwe kētēsya ifyālino, kētēsya ifindu ifisitakyala fikuboneka nkipānga. “Kangi, kubumalikisyo, kwisakwisaga ukufwīmigwa,” ili Bangeli liyobile lululu, ISI SYO IKUTI U NTWA! Naloliloli, sikuyangapo.

<sup>64</sup> Polelo fiki fikubonekaga? Itolo mumo ikylene kyābombile akabalilo kala, momumo ikylene kikuyilaga lilino. Umwene āli maka kunyuma ku kyene, umwene āli yo yūyo uyu ālagilāga ikylene. Bala i . . . Une ngusubila ikylene kyo mahano-na-mabili- . . . ukufwana untu gwa 17 pamo untu gwa 18, mula nkati mula, umwe mwisakwaga iki Yezebeli ābombile: mumo umwene ālimmwegile Ahabu, kangi umwene alinkutoligwa ukuyoba nakimo ikya ikylene panongwa yakuti umwene āli nkasi gwake. Kēta iki ikisu kyāyēngīgwēpo kabalilo kala, u m’Israeli ungomokela-nyuma nu nkasi mwīputa-fifwāni (kunyuma kwa umwēne) uyu āli mwīpūti gwa Baalimu. Kangi fyo fiki umwēne ābōmbile? Umwe kubumalikisyo ātēndike filifyōsa fyālino fiyo, kangi finunu fiyo, kangi a bāndu bāli ni kyēne kipepe fiyo, mpaka ikipanga kyosa kyāgwilīle ku kyene, balumbilili na bosa. Ngimba Eliya akāyobile, “Ntwa, une ne mwene ntiga uyu asyele?” Kangi mumo ikylene kyāyilīle akabalilo kala, ikylene kikufwanikisania umwisyugu.

<sup>65</sup> Bosa ba abene batilaga ukuyoba kalikosa. Ngimba ikylene kikaya itolo bo kindu kikiki umwisyugu? Abene bātīlāga ukuyoba ikindukimo. Popāpo uswe tukusyāgānia, abēne bāli itolo bābūke, bamwalomwalo, bagāle, ukwēdeka palipōsa, abasyūtano nu bwīnoge, na filifyosa ifingi, itolo mumo ikylene kiyilīle umwisyugu. Yesebeli ikuniōngāsa a Masimbo gala . . . Fyo fiki ābōmbile umwēne . . . pamo indagilo sila, bo—bo Yesebeli isakuniōngāsa. Kumbukilaga, Yesebeli, umwene ikwikōlēla mwene “nsololi-nkīkūlu,” ukuponjola abāndu, kangi umwene ikuyoba ukuti umwene yo “masyu gene-ntiga ga Kyala pa kisu kya pasi.” Umwēne isakupela ilīnogōno lyamumbili ukwītika ukuti ukuya nsisimikisi bo i kisu.

<sup>66</sup> “Pisakwisaga ukwiputa kwa nkikulu, mu United States, kangi ikyo kisakuyaga Mariya.” Une nkibwēne ikyēne, malongo matatu . . . 1931. Ifindu fihano-na-fibili fyābonīke. Une ndinakyo ikyēne papapa pa kalatasi apa, na une, nāsīmīle ikyēne mu 1931. Mūmo fikuti une nāyōbīle “U Prezidenti uyu, Franklin D. Roosevelt, umwēne isakupela ikisu kyōsa, ukukitula



ikyēne, ukutuma ikīsu ku bwīte.” Bakāli bakālīsile ku bwīte nalino, nkati nkabalilo ka njala. Une ndinkuti, “Ikindu ikingi, . . .” Kangi u māma gwangu, u nyuma-mfwāne m’Demokrati, linga umwene akālingētēsise une nubukafu akabalilo kako une nāyobile ikyo. Une ndinkuti, “Une ndikupasya kali umwene āli Repubulikani pamo linga umwene āli Sosiolisti pamo kilikyosa umwene ali, uyu yo ISI SYO IKUTI U NTWA.” Kangi une ndinkuti, “Ukubōmba iki, abēne bikwītikisya abakīkūlu ukusala. Kangi akabalilo kāko abēne bikubōmba ikyo, abēne bābōmbile kimo mwa bukosityasoni ubukulumba ukukīnda ikikolo iki kibōmbilēmo siku.” Kangi une ndinkuti, “Ilisiku limo abēne bisakuhomba panongwa ya kyēne.” Kangi abēne bābōmbile pa lusalo ulwabumalikisyo ulu. Ikyo kyo iki kinsalile umwēne, abakīkūlu.

<sup>67</sup> Kangi umwe bapāla bāndu bālāngi, mu Itongo, mūmo umwe mwāsali! Ugwe kuyoba, “Ugwe ukaya ni mbombo nayimo ukuyoba ikyo mu kigemo.” O, ena, une ndinakyo, ilyene lyo Lisyu lya Kyala! Kangi ilitōndobya lya—lya Abraham Lincoln, yula yūyo uyu ābābwile umwe, alāmbalēle ukukilania mu kila ikiyūmba kya fyaiyole pa lidiresi lya nkīkūlu, kangi umwe mukūlisya ubwābuke bwakupāpigwa bwīnu. Soni pa umwe.

<sup>68</sup> Kangi umwe bāndu, panongwa ya ndyāli, panongwa yakuti umwe mwe itolo ba Demokrati banunu, mwāsali kuli ikindukimo bo kila, nu kūlisya ubwabūke-bwa-bupāpigwe bwīnu bwa buMerika kangi Kikristi, ukupīla ikyēne ukukilania ku ndogwe yula uyu ikulagila uswe mu kīsu iki, iki kyātupēlile uswe iki uswe twāli. Kēta mūmo umwēne ikwāfulilāmo nkati? Nalōli mbubēndekēlo, mpaka umwēne lilino ali pa kikota. Nalōli! I kikota kya White House.

<sup>69</sup> Ketesya! Mutalile. . . Ngimba umwe mwākētīle ilisiku limo ukufwana ni sukulu sya Kikatolika ni sukulu sya Kiprotestanti? Ukutūla i sukulu ya Kikatolika lōli komma isya Kiprotestanti. Muketile? O, nkundwe! Ugwe kētēsya kuli i liyiga lya findu fikusōka lilino. Ketesya, kangi mumo abene bābōmbile ikyene, keta iki kikuboneka. Bōsa ubu ubutulwanongwa bukūlūndika nkati. Bafikile ku buyo kangi batwēle i kikolo iki mu luko lula lwa buyo bwakubebeluke.

<sup>70</sup> Ifyinja finandi ifi fikindilepo, akabalilo kako abene baali. . . aba Pentekosti babongotwile pānja, ikyēne kyāpokile ikīsu ifyīnja fināndi ifi fikīndilēpo akabalilo kāko Al Smith āyāga pakwīma. America āmenyēpo kanunupo akabalilo kala. Lōli Pentekosti āfikile ukuya gwankīsu fiyo mpaka ikyēne kilinkukīndilila nkyēni mula nu kūlisya ubwabūke bwābo ukuya Nkristi, ku ndyāli, kangi iyēne yo ndyāli pankyēne pa i Bāngēli. O, mwe!

<sup>71</sup> Lilino, itolo i miniti, kangi kētēsya itolo mūmo iki kikūsōka pānja. Lilino, uswe tukusyagania ifi abene bābōmbile

kangi ifindu ifi abene bābombile, uswe tukukéta ikyene kukufwanikisania apa itolo katikati, ubutulwanongwa pa kiboko kilikyosa. Yesebeli ikwīsamo nkati, umwēne alinkulōga bōsa a bāndu. Kangi kētēsya, kubumalikisyo, umwēne alinkwānda ukuyēnga imīpūtilēko iminywāmu kwa Baalimu. Ngimba ikyo ko kutalusya? Kangi abapūti ba Baalimu balinkusāta ukufuma kulikōsa ukufika mu buyo bula, kangi balinkwānda ukubwāpūla ifisu nu bwīpūti bwa Baalimu.

<sup>72</sup> Kéta mumo abene babōmbile, kéta mumo abene babilīle nkati. Itolo ifindu ifi abene babōmbile, kéta kuko abene bali umwisyugu. Kéta i Kikatolika kikumila lōsa, kikumila lōsa, kikumila lōsa; ukwēgana nkati, ukubongotola iki, itolo katikati iki Danieli āyobile abēne bisa kubōmbaga. Kisulu nu mfu fikābagile ukufulugania, loli ukōngānia imbeyu syābo yumo nu nnine, ukutumula. Aligwēsa u ndīndwāna gwa kiProtestanti ikwēga u ndumiana gwa Kikatolika ikufīmbilisigwa ukuswīla abāna Kikatolika. Bōsa bo lula, ukwēga, ukōngānia, bo lula mpaka ikyēne kīšile ku buyo mpaka gwēsa United States yo lōsa asyūngutiligwe ukukilania.

<sup>73</sup> Ngimba uswe tukubombaga fiki ukuya bamisyoni, tukusooka panja kula ukwābūla Mwitongo mwa America na bosa ukukilania pa kiyabo kya kisu, Tommy Osborn na bene, ukugela ukwēga abāndu pānja pa bwīputafifwani kangi abēne babagile ukusōsōla ulōbe lwābo kulakula kunyuma ukuti uswe twāsālile undōngōsi gwītu, kangi ikindu kilakila. O Kyala. Ngimba fiki—ngimba fiki fikubonekaga ku kīsu iki? Ikyene kibagile ukusenyenda u mundu aligwesa muno. Ngimba uswe tukuyaga pakwāmūla bulebule? Ngimba abamisyoni bisakuyoba fiki akabalilo kāko abēne bikuyoba, “Umwe mukwisa kuno ukutwābūla uswe ukufuma ku iki, kangi abandu bīnu mwibene babikile ikindu kilakila mbubombelambombo bwīnu pala, pa kikota”? Ngimba uswe tukubukaga bulebule. . . Fiki. . .

<sup>74</sup> Keta kunyuma mu mani ga syambukulu, sanukila kunyuma kangi kéta linga ikyene—linga ikyene kyo naloliloli, kifuki, kikaya kyalwitikano kya ikyene ukuya. Abene angali bakabomba ikyene ifyinja ifi fikindilepo loli, muketile, uswe tugulisye ubwabuke bwitu bwa Kikristi ukubuka ku ndyali, kangi umo mo mumo u mōhēsi ikwilukila mwene nkati. Ahabu akāli nakimo lōli untu-kifwani gwa Yesebeli. Ikyo kyo kyosa iki kikuyaga, itolo ntu-kifwani. Umwēne atisakubōmba ikyēne mwēne mma, lōli ulubātiko lula kunyuma ku mwēne lwisakummwēga umwēne ku kyēne. Katikati kutalusya! Tita amabyebye gako, ugwe Nkristi. Isumusya gwimwene, ukwene kwilile ukukinda mumo ugwe kwino gonela. A kayīlo aka uswe tulimo, kayīlo aka abēne balimo, kangi mūmo abēne bikwileka bēne ukuya bōlo.

<sup>75</sup> Mūmo i ndūmbula ingulumba iyalugano iya Kyala yābagile ukulila pānja, nu kukūta, bo Umwēne ābabwēne Abāke

abāndu bamisyoni. Ābapelile abēne ukuya kyakwēgelelāpo, fyōsa ifikolo fikwisa ukufuma kulikōsa panongwa yakuti Kyalā ābasayile abēne, ikubabona abēne mu bumobwēne, mwambepo, ukumbombela Kyalā. Kangi polelo ukwinogona ukuti Umwene—Umwene alinkunyonywa ukubabona abene bikugomokela ku lugano lwabo ulwakwanda nu kubomba iki kyāli kitalusye, lōli kingikingi abēne balinkusōkapo, nu kusōkāpo, nu kusōkāpo, mpaka kubumalikisyo Yesebeli išile nkati. Ikyo kyo katikati iki uswe tubōmbile. Tusemile ukufuma ku manyisyo sya Kristi. Akabalilo kākō Kyalā ātumile abalumbilili Bāke ukukilania ikīsu, abēne bālumbilile ubwīkēmo (Pilgrim Holiness, baNazarene, abaPentekosti), “Gomokela kwa Kyalā! Gomokela kwa Kyalā!”

<sup>76</sup> Kangi ifyānalōli ifipānga fya kabalilo-kaiyolo itolo kilinkuseka nu kupela ulūgilo. Bingi ba abene bitiki balīno, fiki, abene balinkukemela kilikyosa iki bala abanyāmbāla bābōmbile nukuti “Ikyene kyāli kya mōhēsi.” Ngimba ikyēne kyābōmbile fiki? Kangi i kipānga kilinkwānda ukupilikisya ku kyēne, aba bālibīngi balinkwānda ukupilikisya. Ikīndu kyākwānda umwe mumenye, “Linga u nkikulu gwa Kikatolika abagile ukufwala u luko lwa findu ifi, abaProtestanti bābagile bōpe. Linga i kipānga kya Katolika kyābagile ukubōmba *iki*, aba Protestanti bābagile bōpe. Polelo linga aba Methodist bābagile, ngimba bule aba Baptisti? Polelo linga abaBaptisti bābagile, ngimba bule aba kiPentekosti?”

<sup>77</sup> Muketile, ikyo kyo iki ifipāngānio ifitēndekigwa-nu-mūndu fikukutwāla ugwe mula. Haleluya! Ikyo kyo kyabwanaloli. Iyo yo nongwa une ngulwana ni kyene, panongwa yakuti i Lisyu lya Kyalā likulwana ni kyene. Imbātiko indendekigwa-nu-mūndu: Kyalā ikulwana ni kyēne, i Lisyu Lyāke libēngēne ni kyēne, abasololi Bāke bisakulwāna ni kyēne, Abāmbombo Bake ababwanaloli bisakulwanaga ni kyene, bosa aba bapāpigwe nu Mbepo gwa Kyalā bisakulwāna ni kyene.

<sup>78</sup> Kēta mūmo Israeli āfikile, mūmo abēne bēlēlāga nu liyiga, mpaka kubumalikisyo Yesebeli ikwisa. Kēta mumo America āfikile, kangi ukwēlela ni liyiga lya kisu, mpaka kubumalikisyo Yesebeli alinkwega i kikota. Uko ko kotalusya. Lilino, Yesebeli zaloliloli akāli pa kikota kya Igupti . . . pamo, kikota kya Israeli, loli umwene aali ntu nkulumba kunyuma kwa kikota. Kangi i kilingo-bufyuke bwa kiKatolika kikaya pa kikota kya United States, lōli umwēne yo bubātiko kunyuma ku kyēne panongwa yakuti umwēne ālyēgigwe ku mwēne. Kangi i Bāngēli lyāyobīle, nkīsu iki, abēne bābagile ukutēndēka “ikifwani *kifwānikisigwe* ku kinyamana.”

<sup>79</sup> O, nkundwe, kalumbu, ngimba kitamisye kyo fiki? Ena, une—une mmenye iki ikyene kili. Ili Bāngēli lyāyobīle ukuti abene bikufikisya ingulilo ya Laodikiya iyi, kangi ko kuko uswe tuliko. Ugwe ubagile ukumbenga une lilino, lōli ilisiku

limo ugwe utisakubōmba akabalilo kāko ugwe kusyāgania iki kyo Bwānalōli. Umwe mubagile ukusitakwītikisana nu kusumuka mmwanya nu kwīkanyāngila pānja pa kiyūmba, ikyo itolo kikunāngīsyā ubusitakumanyila kwīnu. Loli ilisiku limo umwe mwisakusyagania, ilisiku limo umwe mwisakwisyūka nu kumanya ukuti ikylene kyo Bwanaloli! Une nguyoba Ikyene mu Ngamu ya Ntwa! Ngwībika nīmwenē pala kuli ikyākutusulilāpo, iki kubumalikisyo kisa kunguta une ku lipūmba. Une nguya pakuyaga nketi mpaka une ngufwa, linga Kyala isakundula une. Uko ko kutalusya.

<sup>80</sup> Apa uswe tuli mbwitugasye ubu uswe tulimo umwisyugu, fyosa fya ikylene fikukindilila bo lula. Mu Israeli, mumo Ahabu ābombile, untu-kifwāni gwa Yesebeli panongwa yakuti umwēne āl-...umwēne ālyēgigwe ku mwene. America, undōngōsi gwītu, ngimba bulebule ābōmbile i...Umwe mumēnye u ndōngōsi gwītu āli nnyāmbāla nkabi? Balinga bamenye ikyo? U gwamaelifu-elifu mīngi. Umunduyumo ālimbūlile une, mu kalatasi pamo i rediyo yimo pamo i senema pamo ikīndukimo, Jack Benny pamo umundu yumo āpelīle i...Ernie Ford, une ngusūbīla umwēne āli. Umunduyumo āyobile ukuti, “U gwīse ālintūlile umwēne ukukaba ifibānja fibili ifi umwēne fikāli fyāke.” Itolo kifuki akabile fyōsa fya ikyēne. Ngimba umwēne ākyāgile bulebule? Ngimba i hela yila yālīlisile bulebule? Ukwīsīla mu kupīm̄bapīm̄ba u kachasyo, nu bwālwa. Fyōbēne umwēne āgwīsīsyē isongo pa bwālwa bwa kachasyo ni findu. Ikyo kyo iki kyālimpelīle umwene ukuya nnyambala nkabi. Ikindu kilakila iki kyāgunīle ikikolo kiytu, ikindu kilakila iki kibolīsye aminogono ga bandu bitu, i kīndu iki kyātumile abalumiana bītu ukuya bākinwēlwa, kangi abalīndwāna bītu ukuya balogwe, i hēla ukufuma ku ikyo kyālimpelīle umwēne ukuya mūndu nkabi.

<sup>81</sup> Ikindu kilakila, iki ikipāngānio kya Yesebeli, ikindu kilakila iki kyāfwīmīle abāndu bītu, i kīndu kilakila iki kyabagālīsyē abēne lōsa (mu kiRoma) nu kubōkya abēne nu kubalūsana abēne ukupāgukana kangi kyābōmbile kilikyōsa ku bēne, i lilopa lilalila ilya bafwilila (i Bāngēli likuyoba) lili mwa umwene! Pala abēne balipo, bēgēne palikimo. Kangi uswe ba kiMerika tukubebeluka ukukīndilila, “O, ena, uswe tulinago ama dola manini agakongelelāpo kangi uswe tukuya na kabalilo kanunu. Kanunupo ukukinda fyosa ifisu ifīngi.” Loli, nkundwe, ugwe gulila panandi.

<sup>82</sup> Unko uswe twēge isopelo pa isopelo lilino, ku maminiti manandi aga gikwīsa, kēta iki kyābonīke.

<sup>83</sup> Abalūmbilili balinkubūka mulamula nabo, itolo ukwīlāmbīka na bēne, balinkubūka mulamula nkyēni na bēne, ikipāngānio kyōsa. Ikipāngānio kyōsa kya kiIsraeli kilinkubūka mulamula mula na Yesebeli. Abene bāli nu luko, ena. Kangi i Bāngēli litikutubūla uswe ukuti mmasiku ga bumalikisyo

aga uswe tukuyaga nu “luko lwa bunyakyala”? Ubusololi bosa bufwanikisigwe, nkundwe, uswe tuli pa bumalikisyo! Mwakikolo, uswe tuli ku bumalikisyo! Mwambepo, uswe tuli kubumalikisyo! Ulubatiko losa luli kubumalikisyo bwake! Ikindu ikikōnge ko kwīsa kwa Ntwa kangī ukusāmīsyā kwa Kipanga.

<sup>84</sup> Kyala ātumile ikimanyilo kilikyosa, ikiswigo, ābombile kilikyosa iki Umwene ābagīle ukubomba, ukugela ukukwāba a bāndu, kangī kingikingi abēne bālyēndīle mulamula nkyēni nkati. Kēta a kaya aka apa. Kēta ku kisu iki ukusyungutīla apa, na bakalongo ba bamia na bamia ba bāndu ba kiPentekosti; kangī panongwa ya kwimililaga pa Bwanaloli, bali kūgu abene pa pamusi apa? Panongwa yakuti umunduyumo ababulile abene komma ukupilikisania nu lukomano. Ugwe gwe ndondo, gwamatīngo . . . Kyala yaga gwakisa kwa ugwe, kyo kindu kyene iki une mbagile ukuyoba. Akabalilo kāko umwe Bakristi mukaya nakyo kāngi mma ikifupa kya pa nyuma ukukīnda ikyo, umwe muli kafupa ka njuni mbuyo bwa kikang’ang’a. Kotalusya! Iki uswe tukufūmbwa ko “kulūmbilila i Nongwainunu na mīno nkati mu kyēne,” aga gīsa kutumulania i kindu ntupatu. Bābūkaga itolo bo bōsa ba abēne, polelo ugwe kuswīga nongwa ya fiki uswe tukuywēga isya ikyēne. Polelo, umwe mukētīle, ugwe kwāga u “kubekigwa.” Une ngugūlila ikyēne, une ngufimbilisigwa ukubōmba.

<sup>85</sup> Fyōsa ifi fyākīndilīle nkyēni mu Israeli. Kubumalikisyo, ilisiku limo, ikwīsa ukwīkanyānga ukufuma mu lulangalanga, ikwīsa u nkāngāle mboneke-gwanywīli ukwīnītu, Eliya u n’Tisibi. Umwēne akālīsīlēmō siku ukufyūka ukufuma mu kilikyōsa kya fipāngānio, umwēne ālīsīle ukufuma ku lulangalanga! Umwēne akālī nakyo nakimo ikyākubōmba na bēne. Umwēne āli nsolōli gwa Ntwa. Nkundwe, umwēne āyugēnie i kitāngalāla kya Yesebeli kila panongwa ya kilikyōsa iki kyālī mu kyēne. Abēne bālimbēngīle umwēne. Umwēne āli nalo nalumo ulwītikisānio, une nisakusisimikisya umwe ikyo. I Bāngēli likuyoba umma. Nalōlilōli. Umwēne āpelile bala a baYesebeli abapaka-fisyo “ukupyā lōsa,” une ngwīnogonēla. Umwēne ālāmbalike i ndwānga ku nsisi gwa mpiki mūmo Yōhāni ābōmbile, ifitumulanie fikugwa kulikōsa ifyēne fyānyonyilwe, lōli umwēne ālāmbalike umwēne nkati mula. Umwēne āyūgēnie ikīsu, ukunāngīsyā ukuti abēne bālī basobi, kangī ukugela ukubabilikīla abēne ukugomokela kwa Kyala ugwanaloli ugwābūmi, kangī ukugomokela ku Lisyu Lyake mbuyo bwa bwīpūti bwa Yesebeli.

<sup>86</sup> Ngimba abēne bābōmbile fiki? Ngimba abēne balimmwambilīle umwēne? Abēne bālimbēngīle umwēne! Loli i Lisyu lyake lyasookile panja itolo lulalula, panongwa yakuti umwene aali na ISI SYO IKUTI U NTWA! Kyala ābōmbaga nu mwēne, kangī ānāngīsyē ukuti umwēne āli nsololi mpakigwe

ukwīsila mu fīndu ifi umwēne āyobile fikwīsàga ukuboneka. Kangi fyosa ifi umwene ābōmbile fyāsisimikisye ukuti umwene āli nsololi gwa Kyala. Lōli pōpe abēne bakābagile ukwītika Ilyēne, panongwa yakuti umwēne ātāfulēnie inyūmba syābo syakukinilamo. Umwēne ābabūlile abēne ukuti abēne bāli basobi. Ahabu āli nsitakupāya. Kyabwānalōli! Kangi umwe mukukētésya abēne bakālimmwitike umwēne, lōli umwēne ālūmbilile Ilyēne itolo lulalula. Nayumo gwa balūmbilili balinkwītikisānia nu mwēne, umwene alinkuti, “Une ne nīmwene ntiga uyu asyele, Ntwa. Baketa abene, abene batisa nuku. . . yumo, nayumo atisakwitikisania.” Lōli umwēne āli nu butumigwe ukubōmba kangi umwēne ābōmbile icyēne. Umwēne āli ni Lisyu lya Ntwa, ISI SYO IKUTI U NTWA! Kangi umwēne āsiganīle i kīsu, umwene āsiganīle i kipanga, umwene āsiganīle kilikyosa kyālīko, kangi Kyala āli nu mwene!

<sup>87</sup> Uswe tufingiligwe, mmasiku ga bumalikisyo, ukuti umwene isakugomokelaga ku kisu iki kōpe. Une mmenye, Yeso, akabalilo kākō. . . Matai 17, akabalilo kākō abēne bālindālūsīsye Umwēne, “Nongwa ya fiki abasimbi bikuyoba, ‘Eliya. . .?’”

<sup>88</sup> Kētésya iki Umwēne āyobile, “Eliya nalōli abagile ukwīsa icyākwarda,” kikīndile, līn-. . . i tēnsi ya kilābo. Lōli polelo Umwēne alinkupa Yohani ukuya kyakwēgeléla. Yohani akāli Malaki 4. Yohani aali Malaki 3, “Keta, Une ngutuma untumigwa pankyeni pa Une, ukutendekesya i njila.”

<sup>89</sup> Malaki 4, Umwene aatile, “Bo ilisiku ilikulumba kangi ilisisya ilya Ntwa likafika, akabalilo kākō kyōsa i kīsu kisa kōkigwa ngati kisīnga; bo likāli ilisiku lila, Une nīsakutuma Eliya.”

<sup>90</sup> Kangi icyēne akāli Yōhāni, panongwa yakuti u Ntwa ākalyōkilēmo siku ikīsu akabalilo kākō Yōhāni ālīsile. Kangi linga umwe mukukētésya, kangi mu ntu gwabumalikisyo, mu linandi ilyabumalikisyo, Umwene ātile, “Kangi umwēne. . .” (ketesya: *umwēne* ikuyoba) “. . . isakusanusya indumbula sya batāta ku bāna, *kangi* indumbula sya bāna ku batata.”

<sup>91</sup> Lilino kētésya! U Yohani gwakwanda ālīsile, u Eliya gwakwanda, ngimba umwene ābombile fiki? Umwēne ālīsile nu kutwāla i Ndumi kangi alinkusanusya isyaiyolo isyabalulagilo indumbula ingafu ku lwītiko lwa kipānga kikeke, a bāna. Loli akabalilo kako Eliya unkōnge ikwisa, nkabalilo ka bumalikisyo, umwene yo gwakubūka ukugomokela nukwega i—i ndumbula sya batāta. . . indumbula sya bāna, ndigi, nukusisanusya isyene ukugomokela ku Lwitiko lwa ba tata ba kipentekosti. Muketile ukukindana? Umwēne atisakuya yumo mwa aba *abakōlēlīgwa-lūlo* uswe tulinabo umwīsyūgu, umwēne isakubūkāga kulakula ku Imbombo 2 nukwanda itolo ukufuma kula. Umwēne isakulūmbilila i Nongwainunu insitakubwāpuligwa, itolo ukuyoba ifīndu filafila ifi Peteri

ābōmbīle pa Lisiku lya Pentekosti, 'nongwa yakuti iki umwēne āyobile pa Pentekosti kisitimikisye gōsa ga Masimbo ukukīndāmo. Umwēne atisakwīniongasya ukusyūngutīla ni kipāngānio kimo, akabalilo kāko Eliya ikwīsa. Umwēne ikubabēngāga abakīkūlu bo yu Eliya ābōmbīle, itolo ngati... pamo abakīkūlu ababibi, itolo bo yu Yohani ābōmbīle. Umwēne isakuya ngana-matēngēle itolo mūmo abēne bāli. Umwēne atisa kulekako mma. Uswe tukulonda kuli umwene ukwisa. Umwene ikwisaga! Kyala ayobile umwene ikubombaga, kangī umwene isakuyaga apa!

<sup>92</sup> Une ngwitika, linga kalikosa, i Ndumi iyi uswe tulinayo umwisyugu yisakutala u kwisa kwa umwene. Ena, nkulumba! Umwene ali pa nsebwe gwake, atalile apaapigwe. Bo yu Eliya āli, kangī ukwisa ukutuyuka panja pa matēngēle, kubuyo bumo umwene isakwimanyisya mwene. Umwene isakulumbililaga Imbombo 2. Umwene isakutwala u Lwitiko lwa batata ba kiPentekosti aba kulakula ukugomokela ku... u lwitiko lwa bana ba kiPentekosti aba, kulakula ukugomokela ku Lwitiko lwa batata ba kiPentekosti. Umwēne isakubūkāga kulakula, ukugomokela ku Imbombo 2, Imbombo 2:38, mōsa pāsi ukukīndamo. Umwēne isakutwāla i Nongwainunu iyanaloli, nsitakubwapulīgwa. Umwēne atisakuya nakandu kalikōsa akakubōmba na Yesebeli kangī kipāngānio kyāke. Umwēne isakuyaga gwāmbombo gwa Kyala. Naloli isakuya! Ili Bangeli lyaayobile umwene ikwisaga. Umwēne isakusolola nu kutayula i Ndumi yāke nkisyo kya Yezebeli aba, itolo katikati mūmo Eliya ābōmbīle ku bwandilo kwa Israeli. Abēne bisakumbēnga umwēne! Abēne batisakupilikisania nu mwēne mma. Umma, umma. Umwene isakwisaga! Kyala āfingīle ikyene, kangī umwene isakufyukaga pa buyo. Umwēne isa—umwēne isa kulūmbilila ku Kipānga Kisaligwe bomūmo Ilyēne lyāyobile umwēne ābagile, ukusenyēnda yula u Nsaligwa, ukusenyēnda ifinyanyasi ukufuma ku kyēne, i—i kisu ni findu, ukusenyendela ikyene pāsi, ukubilisya ikyene pāsi, ukwega i Kipanga palikimo, a bandu bamo.

<sup>93</sup> Une mmenye ugwe kuyoba, “Ikyyo kyo kipanga-kipāgūke kyangu.” Nkundwe, ugwe uli nsobi! Yohani ālisile ukuya kipāngānio kya nnyambala-yumoywene ukuntwala u Nnyambala Yumoywene: Yeso Kristi. Kangī u Eliya atisakuya kipāngānio, umwēne isakuyāga nnyāmbāla, Yeso āyobile lūlo. Ikyēne kisakuyaga nnyāmbāla yumoywene uyu apakīgwe na Mbepo Mwikemo. Kangī umwēne atisakutwāla bōsa abakyāla batatu pamo bana, umwēne isakutwāla Yumo: u Ntwa Yeso Kristi, panongwa yakuti i Ndumi yake yisakusenyenda a bana ba Pentekosti ukugomokela ku Lwitiko lwa ba tata kangī.

<sup>94</sup> Ugwe kumbukila, nkundwe, linga une nguyoba ifindu ifi ukuya nyāli, une ngulondigwa ukuya pa kigemo. Une ngubabula umwe, “ISI SYO IKUTI U NTWA!” Linga Kyala akasisimikisya

une mbabulile umwe u Bwanaloli, ukusyungutila i kikolo, ukusyungutila i kisu, polelo mbula une kũko ubusobi bwãli. Une ngubabula umwe u Bwanaloli! Gomokelaga kwa Kyala, mbibimbibi! Sokamo ukufuma mu fipãngãnio ifi, panongwa yakuti i Bãngéli lyãyobile mwa Bũku gwa Busetuli, ukuti u kilingo-bufyuke bwa kiKatolika bula kyãli “ndongwe,” kangi umwene ãli “mãma gwa balogwe.” Ngimba ikyo kyo fiki? Fipanga, fipãngãnio.

<sup>95</sup> Kangi ko kugu kuko ikipanga kya Methodisti, ko kugu kuko ikipanga kya Luteri, kyafumileko? Ngimba ali kugu u Methodisti, Baptisti, ko kugu ifibugutila fyosa fifumileko? Kyala akapãngãnio siku ikipanga. Kipanga kya Katolika kyãyobile abẽne bikwãnda kunyuma kula, “Yeso ãpãngẽnie ikipanga.” Une ngulonda—une ngulonda i lyani lila mu syãmbukũlu, pamo i lyani lila mu li Bangeli. Kikãlĩmo siku ikipãngãnio ku fyĩnja bamia batatu na ntãndãtu ukufuma pa bufwe bwa ntumigwa gwabumalikisyo, polelo abẽne balinkubũmba u Lukomano Nicene nu kupela i kipãngãnio. Kangi akabalilo kako Luteri ãsookile panja...umwene aali nnyambala unkulumba gwa Kyala, lĩli mbimbibi itolo bo umwẽne ãsõkilẽpo, akabugutila akanini kala aka bãndu kalinkubũka ukukilania nu kubũmba ikipãngãnio ikĩngi. Polelo u Mbepo Mwikemo alinkusooka pa Yohani Wesley, umwene akapangeniemo siku kalikosa, loli bo umwene asookilepo akabalilo kala abene baapangenie. Polelo u Mbepo Mwikemo ikwisa na baPentekosti, kangi abene basookile ukufuma mu Methodisti. Kangi fiki fyãbonike? Polelo *abẽne* balinkwipãngãnia.

<sup>96</sup> Lõli kwisakuyapo ulubãtiko lwa nnyãmbãla yumo ikwisa panja na maka nu kupakĩgwa kwa Eliya, ukufwãnikisya ubusololi. Aleluya! Umwene isakusenyendaga ikylene. Kangi, kumbukilaga, umwene ãsolwile ku bene, nukusolola, nukubabula abene ifindu fyosa, kangi Kyala abombile nu mwene. Lõli i Ndumi yãke iyabumalikisyo yãsigãnilĩgwe pa White House. Uu-huu. Akabalilo kãko Yõhani ãlisile, i Ndumi yãke yabumalikisyo yãsigãnilĩgwe pa White House ya lisiku yila. Ndumi ya Eliya yabumalikisyo, akabalilo kako umwene ikusuluka pa nsebwe gula ulubunju lula ukufuma ukuya mu Kuyapo kwa Kyala panja pala, alyẽndile ukusuluka u nsebwe gula ni nywĩli isyaiyolo mõsa ukukilania umwẽne, untu gwãke gwakipãla gukumulika, indefu sikubebeluka, fila ifinini, ifisige fyaiyolo fyãlãngalãga nu lwĩmĩko lwa Kyala. Ingili yila nkiboko kyake, kangi amalundi gake itolo gĩkĩtike mumo agẽne gãbagile ukuya. Ngimba umwene ikubomba fiki? Ikwenda itolo ukusuluka ukufuma ku Samaria ukubuka mu kuyapo kwa White House, nu kuyoba, “ISI SYO IKUTI U NTWA!” Ungatilaga nakimo. Ifipãnga fyãlimpĩkile umwẽne, a bãndu bãfumile pakumpĩka umwẽne, polelo lilino umwene ikupa ukusigãnilã kwãke kwabumalikisyo, pa Nyumba Inyẽlu.



97 Polelo fiki fyābonike ukufuma apo? Pilikisya! Ukufuma ku busiganf̄lo bula, amasyu gāke alinkuya kimyemye, nayumo āl̄impilike umwēne kanḡi mma. Kyala alinkunkolela umwene ukusōkāpo pa buyo, alinkuti, “Eliya, ugwe ubombile upelile i Ndumi yako yimanyigwe ku boosa ba Israeli, abene bamenye Ikyene. Lilino isaga kuno ndulangalanga, sōkako ku bene, ipāgūla gwimwene panongwa yakuti une ngubombaga ikindukimo. Une nguyaga pakubanānḡisya abēne iki ikyēne kili ukupika i Ndumi Yāngu.” Fiki kyālisilēmo nkati? Bwīte, njala, ukufw’injala.

98 ISI SYO IKUTI U MBEPO MWIKEMO, “Ketesya iki kikwisa! Ketesya iki kikukongaga! Yālipō injala, yisa *kuyaga ngapo* i njala!” O, lumō komma panongwa ya nkati, lolī ukupilika i Lisyu lya Kyala nu Bwanalolī Bwake. Fyōsa i fipānga fisa kwāngālaga nu kubūka mulamula nkyēni nkati mu kyēne itolo lulalula, itolo mūmo abēne batalile bamil̄igwe lōsa ni kyēne.

99 Ngimba Eliya ābōmbile fiki? Umwēne āyāgile i nyībuko imfisigwe, kubutali mmwanya mu kyāmba kūko umwēne āgāgile gamo a Mīsi ga Būmi, busetuli Bwamwakyala ukufuma kwa Kyala bo umwene ikwitugasya pamwanya pala pāsī pa maka ga Kyala. Ama busetuli ukuya ka nyībuko akanini akafisigwe, bo bōsa ba abēne bāfwag’injala. Kanḡi Kyala asaye abāmbombo Bake (bala abakihobe), abene bātwele umwene ikindukimo ikya kulya akabalilo kosa umwene āpāguligwe ukufuma ku bandu. Kanḡi abene bālī pāsī pala bikufw’injila kuli uluyigo kanḡi bosa bikukīndilīla. [Ubuyo busitakandu pa tepi—Nsimbi] “Tutikupilika kānḡi mma isya sasanio syāke ku . . . Ali kūgu yula ugwaiyolo unjwēga uyu ikubūka ukusyūngutula ukupufulania ifibugutula fyītu? Ngimba umwēne ali kugu lilino?” Abēne bakāmēnye. Umwene alinkwikwabila mwene na Kyala, panja mbuyo bwakwipāgūla kuko abene balinkusita ukupilika amasyu gake. Polelo abene balinkwanda ukuketa.

100 Akabalilo kako Kyala ikutuma panja i Ndumi kanḡi ikubabula abandu, kanḡi abene batikukyambilila Ikyene, polelo Umwēne ikusōsyapo umbōmbi Gwāke nu kutuma ifiswīgu Fyāke: injala, ubufwe (ukuyobela mwāmbepo, mumbili mōpe). Ugwe kētesya kuli ubutolwe, nkūndwe. Ugwe kwīnogōna ugwe ukētīle ikīndukimo, ugwe itolo gūlila ukufuma pakabalilo. Ugwe ukakēta nakimo. Ugwe kwīnogona ugwe kufwa kuli u lusasano lwamwambepo, ugwe gūlila mpaka pa kayabo kanini. Ugwe itolo gūlila, isyūka kanḡi kūta ukupilika i Lisyu lya Kyala. Ili Bangeli liyobile lululo! “Yisakuyaga injala mmasiku ga bumalikisyo,” alinkuyoba u nsololi, “kanḡi komma panongwa ya nkati na mīsi gēne mma, lolī panongwa ya kupilika i Lisyu lya Kyala ilyabwanaloli.” Lolī a masyu gala gisakuyaga kimyemye, mu lulangalanga kubuyobumo, afisigwe kubutali.

101 Umwēne ābītīkīsyē abakihobe, ababōmbi Bāke. Sayaga sila injuni, ababōmbi Bāke, aba bākyūngile a masyu ga—ga Eliya

mūmi mu kabalilo ka bupāguligwe bwāke—bwāke ukufuma ku kipānga. A bakihōbe balintwālile umwēne unyōfu nu nkati ku lubūnju, kangi unyōfu nu nkati ku namayolo, kangi umwēne ānwāga ukufuma ku kanyībūko akanini bo bōsa ba abēne pāsi pala bitūgalāga kisita kilikyōsa ifyākulya fyāmwambepo na mīsi.

<sup>102</sup> Polelo i lisiku limo, ukufuma pāpo ubutulwanongwa bwālyēgile ubusāmbuke bwāke, kangi Kyala ātwēle abāndu Bāke pa mafundo gābo. . . Yesebeli ālyēgile kilikyōsa, umwēne āpuputile ikyēne kyōsa mōsa, kangi umwēne isakubōmba ikyēne kāngi! Uyo yo ISI SYO LIKUTI ILI BANGELI ILIKEMO, “Umwene ikubombaga ikyene kangi.” Umwēne ali papapa pa kikota lilino, kunyuma ku ntu-kifwani; ikunionsgasya ikyēne mulimōsa umwēne ikulōnda, nayumo ikuyaga pakummwīmika umwēne. Naloliloli, nayumo isakwimika umwene lilino, panongwa yakuti iki abēne bakābagile ukwēga mu mbusyūngutilo bwabwīpūti abēne bātumwile ikyēne—bātumwile ikyēne kyōsa ukubuka mu ndyāli, kangi pala abēne bābōmbile ikyēne. Uu-huu, ikyo kyo katikati iki abene bābōmbile. Iki a bāndyāle bisakuyaga busāmbuko itolo katikati kunyuma kwa bungwāle bwa kinyamana, mumo nsisimikisye une nimile apa, muketile, mumo i Libangeli lyāyobile.

<sup>103</sup> Une mmenye uswe kukuya kwīlile, une mbopele. Une ngufimbilisigwa ukutwala i lisyu ilyabumalikisyo nkati, linga u Ntwa isakunyitikisya une.

<sup>104</sup> Kētēsya! Eliya āsyēle pala mpaka Kyala alinkusemesya umwēne. Umwēne akāli ni sasanio. Umwēne ālūmbilile komma ukulwana na nakimo. Umwene alinkwima itolo pala na Kyala mwene, panja mmatengele, panongwa yakuti umwene āli nnyambala gwa mmatengele. Umwēne ākusigwe mu lulangalanga. Momūmo āyīlile Yohani ākusigwe mu lulangalanga.

<sup>105</sup> Umwene ābukile panja mmatengele pamwene na Kyala, alinkusōkako ukufuma ku kipanga ukufuma pāpo umwene āpele i Ndumi yake. Kangi ikipanga kilinkukana Iyene, kilinkupīka Iyene. Kangi kubumalikisyo ifipānganio fikābagile ukubōmba nakimo, popāpo umwēne itolo āfīmbilisigwāga ukusōkāpo pānja. Kyala alinkunkolela umwene ukusōkāpo pa buyo, alinkummwegela umwene panja mmatengele, alinkuti, “Sókamo ukufuma apa, abene batikupilikisya kangi umma. Isaga kuno, polelo une ngusopelaga ubulongi Bwangu pa bene.” O, ena, umwene isakuyaga apa limo mwa masiku aga, umwe ketesya.

<sup>106</sup> Polelo, ukufuma pa masiku ga busololi bwake, fiki kyabonike? I kipānga kyātamigwe, ubutilisyo ubukulumba bwa Yesebeli, umwēne ābēgile abēne bōsa mu mwēne, ikumila abēne bōsa lōsa. Abēgile abēne mu mwēne, kangi āyēngile imipesa na filifyōsa ifingi.

107 Loli, ilisiku limo, Kyala alinkolile umwene panja kang! Apa umwene alinkwisa panja. Pilikisya kifuki lilino, kang komma ukukalala nanine. Une nguyoba, “ISI SYO IKUTI U NTWA!” Akabalilo kako umwene āsōkaga panja, ngimba Kyala ābombile fiki? Umwene alintumile umwene ku nkikulu umfwilwe. Umwēne akabalilo kamo āli na—na maka ga nnyāmbāla pa ntu gwāke, lōli ikyēne kyālyēgile ubufwe ukummwābūla mwēne ukuti umwēne ābagile ukwitika i Lisyu lya nsololi. Umwe mukukētēsya ikyo? Umwēne āli nu ndume uyu ālindongolile umwēne ku njila iyi kang injila yila, mu yimo mwa masukulu pāsi pala. Lōli ukukīndamo mu lumu ulukulumba ulu, umwēne āmiligwe, bufwe bwālimmwēgile umwēne. Umwēne akātēndikīgwe kāngi mma mu kipāngānio kilikyōsa, popāpo umwēne ālitēndekisye lilino ukupilika i Lisyu lya Ntwa. Unkikulu, ukusanusya i Kipanga; umfwilwe, unnyambala yula (gwakipanganio) alinkufwa, kang umwēne āli itolo kifuki inogonāga umwēne yo mūmi mwēne. Kangi Kyala alinkuti, “Buka kula kwa umwene lilino, umwene isakukupilika ugwe, Une nundagile umwene.”

108 O, uswe tukwinogona utubalilo tumo, ugwe kabugutila kanini pala aka kasūbilīgwa fīyo kang ukubomba filifyosa ifi ugwe ubagile ukuya nu lukomano, ukugela ukunāngisya kubāndu ukuti indūmbūla yāko yo ndalusye kang ugwe kulōnda abēne ukuya batalusye, ugwe kwinogona ugwe kuya na kabalilo akakafu. Loli, kumbukilaga, Kyala alinakyo ikisige Kyake pa ugwe! Umwe munganile Umwēne, une mmenye umwe munganile Umwēne, umwe āngāli mutikwītūgāsya apa, umwe āngāli mutikuyapo kilikyōsa ikīndu bo iki. Kyala alinakyo ikisige Kyāke pa ugwe. Ena!

109 Kangi akabalilo kako umwene abombege, undume gwake alinkufwa, ikibugutila kyake kilinkufwa, polelo lilino umwene itēndekisye ukupilika i Lisyu lya nsololi. Popāpo akabalilo kāko u nsololi ikwisa ku kipata nu kunsūma umwēne kuli a—a mīsi amanāndi, umwēne alinkubūka ku kwēga agēne. Polelo umwene alinkuti, “Ndwaila une akamomosela ka bufu.”

110 Kangi umwene alinkusanuka nukuyoba, “Ukuya Ntwa mumi, une ngaya nakyō nakimo loli itolo ukufwana.”

111 Lilino, ikyene kyabonekaga ngati umwene aatumigwe ukwega ikinini iki umwene aalinakyo, loli ikyene kyasanusigwe. Akabalilo kāko umwēne ālitēndekisye ukupa iki umwēne ālinakyo ukutūla i Lisyu, Kyala ālinswīlile umwēne. Kangi linga ugwe gwīganile ukupa u luko lwa Mbepo uyu ugwe ulinagwe, u luko lwa Mbepo uyu Kyala akupele ugwe ukutula kwa Lisyu, polelo Kyala isakukukyungaga ugwe ukuya mumi. Aleluya! O, lwīmiko kwa Kyala! Ngimba umwe mukukibona ikyene, kipanga? Komma ukwinogona une nsyutile untu, une ngaya’mma. Loli iki ugwe uli nakyō, kyo kiliku ikinini iki ugwe kubōmba itika mwa Kyala, lwitiko nki ugwe uli nalo, bika ikyēne

pa Lisyu, komma pa kipānganio! Bika ikyēne mu Lisyu lya Kyala, Umwēne isakukukyūnga ugwe ukuya mūmi.

112 Umwēne ālitēndekīsyē akabalilo kala, nongwa yakuti umwēne akābagile pabutasi, nongwa yakuti abēne āngāli batikumwītikīsyā umwēne. Lilino umwēne itēndekīsyē. Ngimba umwēne isakwāmbilila ikyēne? Kyala ātumile unsololi injila yāke. Ngimba umwene ikwāmbilila i Lisyu lyāke? Ngimba umwene isakwāmbililāga u nsololi uyu? Ena, umwene ābombile. Kangi umwene alinkumbula umwene, alinkuti, “Lilino, bo būmi bunini buki ugwe uli nabo, bika ubwene nkati muno, twala ikyēne kwa une tasi.” Kangi fiki fyābonīke? Akabalilo kāko kyōsa kya kīsu kyatamigwāga nu kufwa mu njala, umwēne na bāna bāke ni bamunyūmba bāke bōsa bikulya ifyākulya fitatu ifinunu pīsiku, u busetuli Bwamwakyala pa Lisyu. Une ngusubila umwe mukukibona ikyene, binangu.

113 Fiki fyākīndilile nkyēni? Umwēne āsyēle kula mpaka i njala yāmalike, ukwitugala nu nkikulu uyu (Ikipanga iki) uyu aalimmwāmbilile umwene nu kwitika Ilisyu lyake. Kangi umwene alinkunkyūnga umwene mūmi (alinkukyunga i Kipanga ukuya kyūmi) ukwisila mu Lisyu lya Ntwa, panongwa yakuti umwene aayobile “ISI SYO IKUTI U NTWA.”

114 Lilino, uswe tukaya nako akabalilo ukwēga akasyāle ka kapāngo lōsa, umwe mumenye, mumo umwene āfimbilisigwaga ukwisa ku bubonesyo na Baala. Umwene isakubombaga ikyene, limo mwa masiku aga, komma umwe ukupasya. Akabalilo kāko umwēne ikwīsa ukwīkanyanga ukufuma mu lulangalanga lula, umwe kētēsya iki kikuboneka pa buyo.

115 Ngimba kyabonike kyo fiki? Polelo akabalilo kako u nnunu, ugwaiyolo Eliya, unsololi, ugwambombo ugwabwanaloli gwa Kyala, isile ku bumalikisyo bwa nsebwe gwake, Kyala ālimbulile umwene, i lisiku limo, alinkuti, “Eliya, ugwe ulumbililēpo pabutali ukufwāna lilino. Ugwe ulwīle Yesebeli na fyōsa ifya lāngi fyāke na filifyōsa mpaka ugwe fikukibile ifya ikyēne.” Alinkuti, “Sulukaga pāsī ku Yorodani!” Kangi apa umwene ikubuka, ukufika pāsī ku Yorodani. Kula akasōko akaiyolo aka ndipa ikwīsa pāsī kwīsilya, gatalāle, amīsī gamatalala, mūmo u mūndu aligwēsa ikufimbilisigwa ukukētana: Yorodani, bufwe.

116 Lōli akabalilo kāko u mbōmbi unkulumba uyu ugwa Kyala ālyēndile ukusuluka ku Yorodani, kangi u mwānundumiana gwāke ikwēnda palubafu lwa umwēne, mwanundumiana gwa Nongwainunu, . . . O, ena, umwene āli mwanundumiana gwāke, “U tāta gwāngu, tāta gwāngu, amagileta ga Israeli, u nnyāmbāla gwa falasi ukufuma kula.” Akabalilo kāko umwēne nu mwanundumiana gwāke ālyēndile lukōngi mu lukōngi, ukusuluka ku Yorodani, umwēne ākētēsyağa u gwīse ukusōkāpo ulubūnju lula.

117 Akabalilo kâko umwēme āfikile pāsi ku Yorodani, umwēne alinkufikila ukusyūngutīla nu kukaba unselekesye gula ugwa maka ukufuma ku fibega fyāke, alinkuti, “Bufwe, ugwe ukabagila ukubomba nakimo kwa une.” Kangi umwēne alinkutika u Yorodani, “Sokapo apa, une nguloboka ukilania ulubūnju ulu.” Ngimba kyabonike fiki? Umwēne alinkusema kunyuma nu kūma ngati lufumbi. Ngimba unsololi unkangale ābōmbāga fiki? Umwene aketaga kwīsīlya Yorodani, umwēne āmēnye lyāliko iligileta likugūlīla kuli umwēne ukukilania kula ni falasi. Umwēne ābūkāga ku kāya, imbombo yāke yāmālike. U mwanundumiana Gwāke mu Nongwainunu yo ēgāga ubuyo bwāke.

118 Une nīsāga ku kāya ilisiku limo ukufuma ku Bwīngililo. Iki kikwīsa pa linogono lyāngu. Une ndinkuniōngotola i rediyo ukwāsya (une nāfimbilisigwe ukwēndesya amasiku matatu, amamailosi bamia malongo-mabili-na-mana, pa nīmwenē). Une ndinkwāsya i rediyo kangi une. . . ngupilika isyamwambepo ukufuma mu Del Rio, Texas. Aalipo unnyambala uyu atendike ukuyoba isya nnyambala unkangale, ugwālāngi, unnyambala gwa kinegro. Umwene ali kifuki ukufwa kangi umwene alinkufimbilisigwa ukwisa ku kisoko, umwēne alinkuti, “Fila ifilato ifyagolidi ifi une nguyaga pakufwāla, ukwēnda ingīndi syagolidi.” U nkāngāle unnegro ālūmbilile bōsa bwa būmi bwāke kangi ikīndu kyēne umwēne ābagile ukwīnogōnapo bwāli busūbisyo, iki umwēne ālinabo, lyāli i bānjo lyāke ili lyātulikigwe pa kibūmba. Umwēne ālitūgēsye pānja pa filūndu fya masapa kangi ākināga u lwīmbo, ātūsīsyē mwēne ukufuma ku butumigwe bwāke, ni libānjo ilikūlu. Yila yāli njila umwēne āli nayo, ukwiyēkēla. Umwēne āyobile ifalasi iyaiyolo yanswīgāla-undūngisigwe iyi umwēne ālisibile ukwēndesya yisakuyaga pāsi pala ni gilēta. Une ninogonaga isya bene. Umwēne alinkuti, “Fila ifilato fyagolidi ifi une nguyaga pakufwala, ukwenda mu ngindi sya golidi.”

119 Kangi akabalilo kâko umwene alinkumalisya ukwīmba, une ndinkusimisya i rediyo. Kangi nābūkāga kula, ngoelile igudumu. “O, uko ko kotalusya. Une ngufimbilisigwa ukwisa pāsi pala nīne. Ngimbo kyo fiki kikumbapo une siku ubusūbisyo? Ko kūgu une ngwāga ubusūbisyo bwāngu mu lulangalanga?” Une ndinayo innini, indusu ingūlu iyi yikubilikigwa. . . Une ngufwima ni yēne nkabalilo ka kugwa-māni ka kyīnja. Iyēne yo i .270, modelo 721, Remington. U nnyāmbāla, nkundwe, apele iyēne kwa une, mu California, ifyīnja ifi fikīndilēpo. Une mfwīmīle ni yēne ku fyīnja ni fyīnja. Mumo. . . lo lusūbisyo luki ulwene luyilile, panongwa yakuti une—une mmenye iyēne yo nnuu i ndusu yakutusulila, kangi ulwene lo lubatamisyo lwangu mmatengele.

120 Polelo une ndinkwinogona isya mboniboni yangu. Akabalilo kâko une nāfikile kwīsīlya kula nukukēta abāndu bāngu bōsa,

une nāpilike ikindukimo kikukūta, kangi apa ikwisa u Prince gwangu unnini (i falasi yangu iyakwitoga) nu kubika untu gwake pa kibega kyangu. Une ndinkwinogona, “Ena, lumu mwa malubunju aga une ngwīsàga ukusuluka nnīne, ku Yorodani.” Kangi i iyaiyolo .270 iyi une nālisibile uku. . . yitulikigwe pa kibūmba. Une ngayamo nayo iyēne pāsi ukufuma kula nkabalilo ka kugwa-māni ka nkyīnja. “Yila innīni i falasi yakwītoga iyi une nālisibile ukwītoga, Kyala isakuya nayo yilūngisigwe ku gilēta lyāngu, pa lubunju lula akabalilo kako une ngwisa kula ku kisoko.” Iyene yisakwima itolo ukukilania ikisoko pala. Kyala isakutuma umwēne, une nālimbwēne umwēne ikilo kimo. Umwēne isakulungisigwāga ku gileta lyāngu, lumu mwa malubunju aga. Une ngubukaga, ukufyuka mmwanya ukukinda amabingu.

Unko uswe twipute.

<sup>121</sup> O, ku maka gala aga Kyala aga une ngwikyelaga bo une ngwenda mu ngindi sya golidi! Ena, i ndusu yaiyolo iyi lilino yitulikigwe pa kibūmba, yitisakuya ni mbōmbo kuli icyēne akabalilo kala. Une nguswīga, linga i gilēta lyāngu likwīsa mula, linga ifalasi yāngu yākwītoga iyi une nākētīle mu mboniboni yisakulūngisigwa ku gilēta lyāngu, ulubunju lula, nimile pa kisoko. Une ngusubila umwene ali. Une ngulonda ukunyakiligwa. Une ngulonda i Kipanga ukubuka mmwanya bo ulo kyōpe, une ngulonda aligwesa gwa umwe.

<sup>122</sup> Ngimba ugwe kulonda ukumanya akabalilo kako ugwe kwisa kula ku Yorodani? Ngimba ugwe kutāgāga imbātīko isi insitakyala isya kīsu iki nukummwambilīla Yeso Kristi ukuya Mpoki gwāko? Linga ugwe ukaya Nkristi, ngimba ubagile ukufyusya ifiboko fyāko nukuyoba, “Nyīputīla une, Nkundwe Branham. Akabalilo kāko une ngwīsa ku Yorodani, . . .”? Kyala akusaye ugwe. Kyala akusaye ugwe. “Akabalilo kako une ngusulukila ku Yorodani, Une ngulonda ukwega a maka ga Mbepo Mwikemo pa une nukutika a misi amatalalifu, nu kwenda ukukilania.”

<sup>123</sup> Ngimba ugwe ubagīle bulebule ukwitugasya pāsi pa buyobi bo ubo, ukupakīgwa kwa Mbepo Mwikemo, nukumanya ukuti u Mbepo Mwikemo ikumbula une akayīlo kīnu, nu kutoligwa ukufyusya ikiboko kyāko? Ikyēne kikunāngīsya akēne ko kabalilo ka bwēndelo bwa lulangalanga! Pabagile ukuyapo yumo bo tukāli uswe ukwīpūta, uyūngi yula? Balipo babili bafyūsīsye amaboko gābo; batatu, Kyala akusaye ugwe, mwanundumiana.

<sup>124</sup> Tata gwitu Gwakumwanya! Batatu; ikyo kikuyaga kinunu, Ntwa, linga abene–abene bali itolo batatu pi siku lila. Une ngusuma ukuti abēne bisa kuyaga, Ntwa. Abēne bafyūsīsye amaboko gābo panongwa yakuti abēne basōngigwe ukuti imbātīko syankīsu isi sikufwa, kangi amasyu ga Lisyu lya

Kyala lululu lisakuyaga kīndu ikikafu ukukyāga, Kyala isakwēgaga agēne ukufuma ku kipānga. I ngūto, u kubilikila kwa Ndume lululu kwīsa kusōkāpo kangī i kipānganio kya Yesebeli kisakusimisiya ukwēne lōsa. Lōli abēne bikulōnda ukuya . . . ukwītūgāla ni nyībūko imfisigwe yila ngati Eliya āli gwakukyūngigwa ukukīndamo mu kabalilo ka njala. Kyala, bapapo abene u Mbepo Mwikemo lilino, isusya indumbula syabo nu lusekelo nu lutengano, kangī bika aminogono gabo pa Lisyu lya Kyala ukuti abene babagile ukuya nu bumi lilino kangī apa na bwila, bwilanabwila. Sayaga abene, Tata. Abene bo Bako, ukwisila mwa Yeso Kristi u Ntwa gwitu.

Ni mitu gyitu ginamisigwe:

125 Abene aba bafyusisye amaboko gabo kangī bikulonda ukummwitika Kristi, ngimba mubagile umwe itolo ukwīma pa malundi gīnu, itolo a kabalilo, bo une ngwīpūta yumo-pa-yumo kuli umwe? Itolo fyūka mmwanya pa malundi gīnu.

126 O Kyala, ngimba une ndoligwe? Pópe batatu aba bafyūsisye amaboko gābo, kisita butobesigwe ukufyuka pa malundi gabo ukwitikisiya ikindu kilakila iki abene naloli baabombile. Ntwa Yeso, une ngubika ikyene mmaboko Gako. Une ndumbilile i Lisyu Lyako, kangī somma ukupepusyāko lililyōsa. Lilino une—une nguyilekaga inyumba ku bene, Tata. Ugwe bomba kilikyosa iki kili kifikepo na fyōsa-fibili kipanga nu gwambombo Gwāko, ikyene kyo kyosa mmaboko Gāko.

127 Tāta, une ngusūma ukuti Ugwe kwisa kupoka abayōnge, isusya aba ndumbula-syanjala ni fīndu ifinunu, paga u Būmi Bwasyēpwa ku bēne bābo bikumilwa, fyūsya ababōmbi Bāko ukufumusya i Ndumi, paga ububumbulusyi ku babine na bonywa, egega u lwimiko kwa Gwīmwēne, kabuno une ngwibika nimwene ni Lisyu Lyako. Kangī nkiboko kyangu, kangī mu ndumbula yangu, kangī mminogonelo gangu, sīmba Indagilo Syako, ukwisila mwa Yeso Kristi Ntwa gwitu. Amenī.

Akabalilo kako une ngwisa kukisoko pa bumalikisyo bwa lisiku,

Une ndikulonda ukwimba ulo mma.

Kangī ikyēne kikuboneka ngati abīnangu bōsa bakīndile;

Kwisakuyapo u Munduyumo ikugulila uyu isakunnangisyaga une injila,

Une ndisakulobokaga u Yorodani nimwene.

128 Ngimba ugwe gwāyabénie amakadi ga lwiputo, Bill? Une ngwipilika nsito. Fyo fiki ugwe gwāyabenie umwīsyūgu? B? Ugwe gwayabenie aba A bōpe, bule ugwe? Umma ndaga, bilikila aba B tāsi, yumo mpaka . . . Kadi ya lwīputo B, mbalilo yimo. Uswe tukuyaga pakwīputila ububine bwīnu. B, mbalilo yimo, ywani ali ni yēne? Kadi ya lwīputo B, mbalilo yimo, umunduyumo kubutali kunyuma mu nyuma. Isaga kubwa

kuno, nkikùlu. B, mbalilo yakibili, fyusya ikiboko kyako. Unkikulu yula? Mbalilo ya butatu. B, mbalilo ya butatu, ngimba ugwe ubagile ukufyusya ikiboko kyako ngukulamba, ukuti une mbagile ukuketa ko kùgu. Itatu? Mbalilo yabuna, B mbalilo yabuna. B, mbalilo yabuhano. Ngimba ugwe ubagile ukufyusya ikiboko kyako ngukulamba? B, mbalilo yabuhano. Unnyambala yula? Umma ndaga, ntàndàtu, ihano-na-ibili, lwēle, lwele-na-yimo, kalongo, kalongo-na-yimo, kalongo-na-ibili, kalongo-na-iyitu, kalongo-na-ina, kalongo-na-ihano. Ena, apa, unko bōsa aba B bīme mmwanya, mulimōsa. Itolo. . .

Yula. . . [Ubuyo busitakandu pa tepi—Nsimbi]. . . abukile nkisu kyosa, untumigwa aligwesa pa ngunda, kulikosa abene babagile.

<sup>129</sup> Gōsa amakadi ga lwīpùto B ima mmwanya kangi ega ubuyo bwīnu ukufwāna ni mbalilo syīnu.

Lilino, yo fiki yāli ngōnge yila? A? Ywāni ali kadi ya lwīpùto A, yākwānda? A, yakwānda, yili kùgu iyēne? Nalōlilōli iyēne yili nkati muno. A, yākwānda? Agēne gayabanisigwe kuli amasiku mabili, pamo matatu lilino, popāpo abēne babagile ukusita kuya apa. Bōsa ni kādi lya lwīpùto A, lilino umwe bāmba lōsa ukukilania apa. Būka kulakula ukukilania kifuki i kimato, nulugīndiko.

<sup>130</sup> Une ngulonda ukuyoba kwa umwe basita makadi ga lwīpùto, itolo iminiti bo ulukindi lukānda.

<sup>131</sup> Lilino, ni likadi lya lwiputo, kolaga iyene mmaboko gako ukuti abalumiana babagile ukwambilila ilikadi lyāko lya lwiputo. Ugwe ugūlile, ugwe gwīsile ukwāndāna namayolo ukupīmba ilikādi lyāko lya lwīpùto, kangī uli nu bwābūke ukwīsa ku lukīndi. Une naafingile kwa umwe, ukwiputula umwe. Lilino une ngugelaga ukukyunga u lufingo lwangu, Kyala ndula une.

<sup>132</sup> Uyo yo ndumiana gwako unnini? Unnyambala unnini ummogi fiyo. Ngulamba nswaga une. Unkikulu uyu apa yo kyakwegelela ikinunu ikya m’Merika ugwanalōli. Undumiana gwāke unnīni, utu ovololo utunini ni jāsi insulula. Unkikùlu unkeke ni nywīli indali, ikufwāla kanunu. Kyala asaye umwēne ni nyūmba yāke, nu ndume gwāke, abaganigwa bāke bala. Ikyo kyo nalolilōli gwānalōli U.S.A., ni “Kikristi” asīmbigwe ukukilania pamwanya pa ikyēne. Nubutali ifisu fyītu filiyaga bo ulo! Nswaga une, nkikulu nnini, panongwa ya kuyoba ikyo, loli une itolo. . . ukuti abandu babagile ukuketa ifi une ngwinogona fikuboneka ngati Nkristi; ifyakwipaka mu nyobe, ifi ifindu fili, itolo nkikulu.

<sup>133</sup> Kyala akusaye ugwe, Nkundwe Sullivan.

<sup>134</sup> *U Ngānga Unkulumba*, linga ugwe ubagile.

U Ngānga Unkulumba lilino ali kifuki,



## U mpelelakisa Yeso;

135 Ngimba ugwe kwitika mwa Umwene? Ngimba ugwe kwitika ukuti Umwene yo Ngānga Unkulumba? Lilino yaga itolo balugīndiko itolo pa kabalilo. Uswe tulinako akabalilo kanini napāpo, une ndumwile indumi itolo panini mbimba. Une ngusubila umwe mupilikisye iyene, lōli, iki kyasanyusa. Itikaga itolo ni ndumbula yako yosa. Akabalilo kako abene bosa bikubāmba lōsa, umunduyumo kunyuma kula ukubagolosya lōsa abandu. Kanunu? Kuyoba fiki? Lilino bōsa aba bali na makādi ga lwīpūto bo bīmīle.

136 Ngimba umwe mukwitika panja apo, nūmwē, kisita makadi ga lwiputo? Linga ugwe kuyaga nu lwītiko, Kyala isakukukōlēla *ugwe*. Lilino, gōsa makadi ga lwiputo mu lukindi.

137 Undindwana unnini yula itugesye kunyuma kula, ni kilundi ikibībi, pamwanya apa pa iki. . . Ngimba ugwe kwitika ukuti Kyala isakupelaga ikyene ukuya kanunu? Linga ugwe kubomba, itolo yaga nu lwitiko kangi Kyala isakupaga ikyene kwa ugwe.

138 Kwīnogōna ugūso umbine isakuyaga kanunu lōsa? Ugwe kwītika, ugwe ubagile ukuyanakyo ikyēne.

139 Bule ugwe pānja pala, kwīpūtila u mipwa gwāko na kayīlo ka lutēnde? Ugwe kwīnogōna Kyala isakupelaga umwēne ukuya kanunu? Nkikulu, gwitugesye panja pala, linga ugwe kwitika ikyene, ugwe ubagile ukuya nakyo ikyene.

140 Mwesa ba umwe mukuyaga pakwitika?

141 Lilino une ngulonda. . . Balinga ba bakundwe bangu bali apa, abalumbilili ba Nongwainunu, balumbilili ba Nongwainunu Inyīsusye pamo kilikyosa iki abene bali, aba bikwitika mu bubumbulusyo Bwakyala? Fyusya ifiboko fyinu. Une ngulonda ukuti umwe mwise apa nukundula une ukubiputila abandu aba, ukuti a bāndu bakēte ukuti ikyēne itolo kikaya une uyu ikwīpūtila abāndu, umwe mubagile nūmwē. Isaga apa kangi ima pa kigemo na une. Ngimba umwe mubagile, bakundwe, umwe balumbilili? Isaga papapa apa kangi ima palapala pa kigemo. Ikyo kyo kinunu. Ndaga umwe, bakundwe. Ndaga umwe. Isaga itolo nkyeni, bakundwe, isaga.

142 Fiki kuyoba? [Unkundwe ikuyoba, “Ngimba uswe tubagile ukutendeka ulukīndi lwakibili apa?”—Nsimbi] Ena, umwe mubagile. Pela ulukīndi lwakibili papapa apa, kisakuya kinunu. Ikyo kyo kinunu. Lilino syumbutuka injila iyingi iyi, nkundwe. Syumbutuka ukusyungutila injila iyi, une ngubatwala abandu mulamula ukukinda apa. Lilino bamo mwa umwe fika pa lubafu ulu ulwa une, papapa nkati muno, linga umwe mwisakwima, ima ukusyungutila ulubafu ulu. Apo po loli.

143 Lilino, ku kilundilo, umwe mukuketa abanyambala abanunu aba apa? Abēne bo banyāmbāla aba bikwīma papapa pamwanya apa, kangi bikwīma kuli i Nongwainunu yilayila iyi une

ngulũmbilĩla. Muketile? Abene bikwisa apa panongwa yakuti abene bikwitika mu Kyene. Lilino umwe mukufimbilisigwa ukuya bākŵitũfya panongwa ya ntĩmi gwĩnu uyu isakunāngĩsya mwēne pa kigemo iki apa, bukafu, bulũmbilili bwamaka. Aba bo banyāmbāla aba bali nu busetuli, aba bamenye ukuti. . . komma une ukuya ngulwana na bāndu, utubalilo tumo uswe tukufika kukupinyigwa ku fipāngānio ifi fikutupela uswe. . . Ifibugutila fila fyo ifi uswe tukulwana; komma unnyambala, gwambombo gwa Kyala.

<sup>144</sup> Lilino, linga uswe twalinako ukumanyila-ngānĩla kuli aligwesa apa, ko kabalilo katali bule ugwe kwinogona une nguyaga apa? Une āngāli ngusilika akabalilo kāko une ngufika kifuki. . . ukufuma kifuki ntāndātu, bahano pamo ntāndātu, kalongo; panini ukōngelelāpo, lumo sinda, sinda-gwa-sinda gwa lukĩndi, une āngāli ngĩndile, abāngi bōsa ba abēne āngāli batikwĩputiligwa mma. Uswe tukabagila ukubomba ikyo. Kangi bo ikylene. . . loli ugwe utikufimbilisigwa ukuya na ikyo. Ugwe umenye iki kyo lutamio lwāko. Ugwe umenye iki ugwe ubombile, lilino lataga imbibi syako. Linga aligwesa gwa umwe panja apo kalipo akambakasya kamokene ka kwĩlamwa mu ndumbula yāko, sosya ikyēne panja lilino nukumbūla Kyala ukukuhobokela ugwe. Linga ugwe ukaya ntalusye na Kyala, mbula Kyala ukukuhobokela ugwe. Linga ugwe utikubōmba, kangi ugwe ukaya ntalusye na Kyala, ikyēne kitisa kuyaga pakubōmba ugwe na kapatu kamokēne ka bununu ukwisa ukukĩndāmo muno. Ugwe itolo kutāga akabalilo kāko. Isyo syabwanaloli. Lilino, ngimba isyo syabwanaloli, bakundwe? Isyo syabwanaloli.

<sup>145</sup> Keta kuno. Apa ikwĩma Nkundwe Kidd apa. Une nafwēne ukulepulania amatayala ukufuma ku ligali lyāngu ukufika ku mwēne, kifuki ikyĩnja pamo fibili ifi fikĩndilēpo, uku. . . Umwēne āfwāga na kansa, āyaga pakufwa ilisiku lila. Unkasi gwāke ālimbũlile une, alinkuti, “Bopa!” Alinkuti, “Umwēne ikufwa lilino.” Akabalilo kako une mfikege kula, u Ntwa ālimbumbulwĩsye umwēne. Kangi apa umwēne akaali imile. Une ngwĩnogōna umwēne akabile ubusito *ubwĩngi-fiyi* na filifyōsa. U gwayiolo unsikali-ntũsye, kunyuma, umwe mumenye. Uyo yo luko lwa nnyāmbāla une nāyobaga ngapo, ifyĩnja ifi fikĩndilepo, uyu ālũmbilile; nu kulambalala palapala pa Lisyu lila, kangi abandū balinkunseka umwene. Kangi umwēne nu nkasi gwāke bikwēnda unsebwē gwa sitima na filifyōsa ifĩngi, kangi kubutali mmwanya mu fyāmba, ni migodi gya malašya, nu kubopa pānja, kangi ukusopigwa mu baminyololo, na filifyōsa ifĩngi. Uyo yo nnyāmbāla yũyo alwĩle ukupōnjōla i kyābupi, ulo lo luko.

<sup>146</sup> Lilino, bakundwe, une nguyoba kwa umwe, umwe lumo mutikuyaga nu mbepo gwa kumanyila-ngāni. Ikyo kitikufimbilisigwa ukuya, muketile, ikyo—ikyo kikaya kyākulōndigwa. Ikindu kyākwānda, ugwe gwe nnyāmbāla

gwa Lisyu. Ugwe uli kanunu, abalumbilili abakongelelapo ukukinda une ndi, panongwa yakuti une ndi—une ngaya fiyo mma ndumbilili. Lōli une...lōli umwe mwe—umwe mupakigwe, unnyāmbála aligwesa uyu abilikigwe ukulumbilila i Nongwainunu yo ikubilikigwa ukubumbulusya ababine; ubulagili bwa kisukyosa bo: “Buka nkisu kyosa ikypasi nukulumbilila i Nongwainunu ku kipeligwa kilikyosa. Umwene uyu ikwitika kangi ikosigwa isakupokigwaga. Ifika ifi fisakukongaga abene aba bikwitika. Linga abene bikubika amaboko gabo pa babine,” na fyosa, “abene bisakubumbulukaga.” Linga ugwe kubilikigwa ukuya ndumbilili, ugwe kukōleligwa ukwiputula ababine.

<sup>147</sup> Kangi i nongwa une ngubōmba iki kyo ukuti ikilundilo iki...ukuti abēne babagile ukukēta ukuti abēne batikufimbilisigwa ukugūlila kuli mūndu yumo ugwapasima, Oral Roberts, Tommy Hicks, Tommy Osborn, nimwene, umunduyumo uyu ikwisako kuli u bubombelo bwa bubumbulusyo. Une ngulonda abene ukukēta ukuti umwe mwe banyambala ba Kyala. Muketile? Ugwe gwe nnyambala...Itolo bo bwingi buki ukubika amaboko pa aligwesa gwa abene bo—bo une pamo aligwesa uyungi. Mulimosa, bakundwe, umwe mwesa mumenye, ukuya—ukuya babombi, ulwene lo lwitiko lwabo mwa Kyala ulu lukubomba imbombo. Ngimba isyo ndalusye? Uswe tukupa itolo ulwiputo kuli abēne.

<sup>148</sup> Lilino ugwe kuyoba, “Nkundwe Branham, ngimba Mbepo gwa Mbepo Mwikemo ali pala na ugwe?” Naloliloli. Ena, nkulumba!

<sup>149</sup> Lilino kwa umwe mu kilundi-...mu lukīndi pala, linga ugwe kwītika ni ndūmbula yāko yōsa ukuti Kyala ikuyaga pakukubūmbulusya ugwe, fyusya ikiboko kyako, yoba, “Une ngwitikisyaga ikylene.”

<sup>150</sup> Lilino, isaga apa, unko uyu—unko unkikulu uyu ise apa. Une ngakumanya ugwe, une ngakubonamo siku. Linga u Mbepo Mwikemo isakumbulaga une, ukuti bakundwe bangu apa, mu kuyapo kuno bo iki, polelo abene bosa bimile apa ukusyungutila une. Kangi komma kyēne ikyo, bakundwe bāngu bali apa, kangi u Ntwa gwāngu ali apa. Ikyēne yo Ntwa gwābo, bópe. Lilino, linga Umwēne ikumbulaga une ikindukimo ikisobi na ugwe, kilikyosa kyo kisobi na ugwe, ugwe kwisakumanyaga kali ikylene kyo bwanaloli pamo mma. Une ngulonda abene, une ngulonda ikilundilo, une ngulonda a bandu panja pala ukukēta ukuti u Mbepo Mwikemo ali apa pa kigemo ukupa ku kukētēla-ngāni, loli ikyo kitikubumbulusya nayumo. Loli linga Umwēne isakumbulaga une ikindukimo ikya ugwe, ukuti ugwe umenye une ngamanya nakimo ikya ikylene, itolo bo ikylene āli nkikulu pa kisiba...Komma u luko lulalula ulwa nongwa, loli une ngusanusya unnyambala nu nkikulu ukwāgāna ku kabalilo ka

kwanda. Yeso, mu luko lwa nnyambala unkusi-gwapakati, kangu ukukulu uyu lumo āli nkikulu nkeke, lumo bo ugwe.

<sup>151</sup> Kangu linga Umwēne iganile, ikumbulaga une ifi ugwe gwīšile apa, ulutamio lwako, ngimba ugwe ubagile ukwitika ukuti ikyene kibagile ukuyaga Mbepo Gwake uyu ikubombaga ikyene? Ngimba umwe bakundwe mukwitika ikyo? Ukuti u Ntwa Yeso yulayula imile apa? Umwe kilundilo mukwitika ikindu kilakila? Ngimba umwe mu lukindi lwa lwiputo mubagile ukwitika ikindu kilakila, kangu mumenye ukuti abanyambala aba...? Ngimba une mbagile ukubakolela abene apa linga une ndinkwinogona abene bakaali mma...? Ukufuma pa kulumbilila bo iki, kangu ukuyoba ifindu ifi une mbōmbile, kangu polelo ngubakōlela abanyambala pamwanya apa aba bakāli bākufikapo? Une ngabagila ukubomba ikyo. Une nguyaga pa bukupōnjola ikindu kilakila une nalwilāga ngapo. Muketile? Une ngwitika mu bene. Une ngwitika abene bo banyāmbāla ba Kyala.

<sup>152</sup> Lilino kēta linga u Mbepo Mwikemo ikwima kifuki. Itolo ukuyoba na ugwe, une ngugela... Ugwe kuyoba, “Ngimba ugwe kubomba fiki, Nkundwe Branham?” Ikindu kilakila iki Yeso ābōmbile nu nkikulu, alinkuti, “Ndwalila Une agakunwa,” Umwene itolo āgelāga ukuyoba ku mwene i miniti, ukusyāgānia iki u lutamio lwāke lwāli.

<sup>153</sup> Ulutamio lwāko lo lutende, ikyo kyo iki ugwe kutamigwa nakyo. Linga ikyo ko kotalusya, fyusya ikiboko kyako. Lilino, umwene naloliloli atikuboneka ikyene, bule umwene, bakundwe? Umwene atikubomba, loli ikyo kyo iki lutamio lwake luli. Umwēne afumile pakuya injila yila akabalilo katali. Bwila ukukilania amalulalo bo ukāli ukufika ku gēne, na fyōsa bo ifyo. Ikyo kyo kitalusye. Ikyēne kyo lutēdeko lwāko, itolo upeligwe injila iyo, gwalutēnde; akabalilo kōsa ukwīnōgonēla ikindukimo kikwītēndekesya ukuboneka, ikyēne kitikuboneka mma. Utubalilo tumo u mōhēsi ikubabūla ugwe, “Kikayapo nakimo ku Kyēne, ugwe itolo gwāgomokile nyuma, ugwe kukilania ulukindi.” Une ndikubala ilinogono lyāko mma, lōli une ngubala iki kyo... Une ngumanya iki umwēne ayobilepo kwa ugwe, nongwa yakuti une ngukēta iki kikilēnie ilinogonelo lyāko.

<sup>154</sup> Lilino, Yeso apilikisyaga aminogono gabo. Ngimba uko kotalusya? Ena, ikyo kyo iki kibonike lilino. Ngimba uko kotalusya? Apa, unko une ngubūle ugwe ikindukimo, ukuti ugwe ubagile ukumanya. Ugwe naloliloli gwīmīle apa panongwa ya mundu yumo uyungi. Uko ko kotalusya. Ikyo kyo kindu, umwe muketile, umwe mukabagila ukukikola ikyene mpaka lino. Lilino, linga u Ntwa isakusetulaga kwa une iki ugwe gwīmīle apa, kuli u munduyumo uyungi, ngimba ugwe kunyitika une ukuya nsololi Gwake? Ikyene kyo kuli mama gwako. Ugwe kwitika Kyala abagile ukumbula une ukuti ulutamio

lwake lo luki? Ena, umwēne ali nu lutamio lwa ndũmbũla, ukutitikisya kwapamwanya kwa lilopa, amabwe ga kayongo, ififuluganike. Uko ko kutalusya, bule? Muketile? Lilino, uyo yo Mbepo Mwikemo, bule icyene?

<sup>155</sup> Lilino, kilipo ikindukimo apa pa une na pa bakundwe aba. Muketile? Ikindukimo apa lilino, u Mbepo Mwikemo. Lilino, umwe mukwitika; umwe, bo uswe tukukĩnda ukukilania ulukindi.

Unko uswe twinamisye imitu gyitu akabalilo kako uswe tukwiputila abandu aba.

<sup>156</sup> Lilino, Tāta Gwakumwanya, uswe tukubĩka amaboko pa bāndu aba. Kangi une ngwĩputĩla abēne lilino. Apa balipo a Bāko ababōmbi ababunyafyāle bĩmĩle apa, kangi uswe twēsa tukuyaga pakwāla amaboko pa babine, panongwa yakuti Ugwe gwāyobile ukubōmba icyēne. Uswe tukuyaga pakubomba icyene mu Ngamu ya Yeso Kristi. Abāndu balingikwābaga itolo ukukĩndamo, lōli abēne bali isaga ukukĩndāmo ukuya babũbuluke ukwĩsila mu Ngamu ya Yeso Kristi. Ameni!

<sup>157</sup> U Ntwa akusaye ugwe. Lilino isaga itolo papapa kuno kifuki.

Mu Ngamu ya Ntwa Yeso, bumbulusyaga. . . Mu Ngamu ya Ntwa Yeso, mbumbulusya unkundwe gwangu. Mu Ngamu ya Ntwa Yeso, mbumbulusya kalumbu gwangu.

<sup>158</sup> Lilino, itolo—itolu i miniti! Muketile! Nkundwe na kalumbu, nongwa ya fiki icyēne umwe mukusangaluka akabalilo kāko unkikũlu yula, akabalilo kāko ukukētēla-ngāni kubōmbĩgwe, kangi akabalilo kāko abāngi bikwĩsa ukukĩndāmo kakayapo nakamo kakubōmbĩgwa? Abāndu bikukĩsania ukukĩndāmo, “Mulimōsa, linga une ngaya mma, ukuya nu kumanyila-ngāni, mulimōsa, polelo une ngālinakyo nakimo.” Ikyo kikaya nakyo nakimo icyakubomba ni kyene, Umwene ali apa itolo lulalula. Muketile?

<sup>159</sup> Akabalilo kāko ugwe kukĩnda ukukilania apa, isaga na maboko gāko mmwanya, kuyoba, “Ndaga Ugwe, Ntwa Yeso. Une ngwitikisya Ugwe ukuya Mbumbulusyi gwangu, kangi une ngusookaga itolo ni kyene. Yumo mwa banyāmbāla aba bikunyōsyaga une, une ngubũka mulamula mu kitubwi kya mĩsi nu kuya mōsigwe, kangi bikusooka panja nukumanya ukuti Ugwe ufingile ukuti une ngwambilila u Mbepo Mwikemo.”

<sup>160</sup> Muketile, icyene. . . Ukukētēla-ngāni kukāli kuli apa. Ukwēne kukāli kuli apa, itolo mulamula mũmo. . . Apa, ngimba icyēne kyo fiki? Unnyambala uyu apa? Une ndinhesya kwa ugwe. Ngimba une ndili, nkulumba? Une ngakumanya ugwe. Bagile. . . linga Kyala isakumbulaga une fyofiki ulutamio lwako, ngimba ugwe kunyītikaga une ukuya nsololi Gwake, ugwambombo Gwake? Ugwe kuyaga ni ndumbula yako yosa? Umma ndaga, nkulumba. Ndaga ugwe, nkulumba. Uyo yo mbepo nnunu fiyo, ikindu ikinunu fiyo. Ukufuma pa fyosa,

ugwe gwĩmĩle apa panongwa ya munduyumo uyungi. Uko ko kutalusya. “Ikyēne yo mwĩsukulugo, ali nu bukokonyale, āgwĩle ilisiku limo kangĩ ākonywĩle ikilũndi kyāke,” uyo yo ISI SYO IKUTI U NTWA! Ngimba isi syabwanaloli? Uko kokutalusya! Buka kangĩ itikaga lilino, kangĩ umwene isakuyaga kanunu.

<sup>161</sup> Lilino, isaga mukwitika, itolo aligwesa, isaga itolo. [U lukindi lwa lwĩpũto lukumalika kuli amaminiti matatu na masekōndi malongo-matatu-na-lwēle, mingi ga masyu ga Nkundwe Branham go nmasitakupilikĩgwa—Nsimbi] . . . ? . . .

Yisāyĩgwe imbinyo iyi yikupinya  
Indumbula syĩtu mu lugano Lwakikristi;  
U bulilansi bwa lĩnogōno lyabukamu  
Buli bo bula ku Mwanya.

Apa pankyeni pa Kikota kya Tāta gwitu,  
Uswē tukōna inyĩpũto syĩtu isyalwĩyũlo;  
Imbāsyō syĩtu, isũbilo syĩtu, isyākunyonywa  
syĩtu sili simosyēne,  
Isũbĩsyō syĩtu ni mbākisyō syĩtu.

<sup>162</sup> Uswē twimile ukukilania, bāna ba Kyala, balemale, bafwamaso, baniongotoligwe. Balumbilili ba Nongwainunu, umwe mumenye uswē tukaya na maka ukubumbulusya. Lōli ugwĩtu u Nkulumba Ntwa Yeso Kristi ikutuma ifimanyilo ifi, nu kutobesya u mōhēsi uyu abapinyile umwe. Uswē tukukemela u mōhēsi . . . ? . . . Uswē tukukemela ubufwamaso . . . ? . . .

<sup>163</sup> Mu Ngamu ya Yeso Kristi u Mwanundumiana gwa Kyala, uswē tukusuma ukuti Kyala ikubapaga abene ulwitiko ukwitika ukuti ulwiputo lwa lwitiko lupokile ababine, kangĩ Kyala isakubasumusyaga abene, kangĩ abene bikuyaga kanunu kangĩ. Tupaga ikyene, Kyala Mwenemaka, ukwisila mu Ngamu ya Yeso Kristi.

<sup>164</sup> Lilino, umwe bakundwe sōkako ukufuma kula . . . ? . . .

<sup>165</sup> Mwesa mwe bangi ba umwe muyege ndwiputo lilino, akabalilo kako uswē . . . abalumbilili bikwĩputila abene, bope, lilino. Uswē tukusuma, bika amaboko pamwanya.

<sup>166</sup> Tāta Gwakumwanya . . .

Kwa umwe panja apo nkilundilo aba balinkusita kufika mu lukindi lwa lwiputo, bika amaboko ginu pa yumo nu nnine lilino. Bika amaboko ginu pamwanya pa yumo nu nnine.

<sup>167</sup> Tata gwitu Gwakumwanya, uswē tukutwala Ugwe ikilundilo iki bo uswē tukwĩgāla lōsa ububōmbēlo ubu kangĩ ulusasanio ulu pāsĩ pa ndēmbēla ya Yeso Kristi, u nkulumba umpakĩgwe Gwāpamwanya Mpũti gwa Kyala, Immanueli, imile, āfyūsĩgwe ukufuma ku bafwe, mũmi bwĩla ukutēndēka isayanisānio; u Kwāke u Kuyapo ukukulumba lilino na uswē, a Maka Gāke amĩkēmo pa uswē ukutetēndēka uswē ukukēta imboniboni, ukusolola, ukwāla amaboko pa babĩne. Masyu amasitakutuligwa

ga Kyala gakabagilamo siku ukugomokela ku Mwēne paitolo. Une ngutobesya u mōhési aligwēsa gwa bubine, amaka gōsa ga butulwanongwa, kusitakwītika bulibōsa, mu Ngamu ya Yeso Kristi, icyēne kilibalanila icyēne ukufuma ku bāndu kangi abēne bayege kanunu.

<sup>168</sup> Sayaga abakundwe balūmbilili aba, Ntwa, bo abēne bībūngénie palikimo mu ndumbula yimoyēne kangi ulufwāno lumolwēne, kangi bōsa abālwālo ba kipanga. O Gwamakagosa Kyala, ku yu unkulumba Middletown, Ohio, tumaga uluyigo ukufuma pa iki, Ntwa, ulu lwisakupyagila ukufuma ku lubafu ukubuka ku lubafu, u kwisa palikimo kwa fifupa, Ntwa, ni minyōfu gya kipapa. Kangi a maka ga Kyala galitupulaga ikipanga ikyamaka ikyabumo apa nkaya aka iki kisakupyagila, i kipanga icyākwegeléla, mōsa ukukilania ikisu, ukuti abāndu babāgile ukwisa nkaya aka ukukéta a maka ga Kyala. Tupaga icyene, Ntwa. Bumbulusyaga ababine na bonywa, pokaga abasobi, kangi yaga nu lwimiko kwa Gwimwene.

<sup>169</sup> Paga icyēne, ukuti fyōsa ifi ififūnga nu tōmbo utunini utu tulāmbalèle apa... Une ngusuma, Ntwa, ukuti u Mbepo Mwikemo pa uswe, kangi mu kiyūmba iki ukutupaka uswe, ali yaga aligwesa gwa bēne kanunu. Ilyēne lisīmbigwe mu i Bāngéli ili akabalilo kāko Israeli āli mu njila ya mbombo, pa njila yabo ku kisu ikifingigwe, ukuti i Nyanja Ingeseфу yilinkuya mu njila. Kangi yumo mwa basimbi alinkuyoba, “Kyala āketile pási ukwisila mu Mbanda ya Moto yila kangi i Nyanja Ngeseфу yilinkutīla nukwenda ukugomokela, kangi Israeli alinkubuka ku kisu ikifingigwe iki kyafingiligwe.”

<sup>170</sup> Kangi lilino, icyene kyo mu i Bangeli, icyene kisimbigwe, “Une nīganīle pamwana pa findu fyosa ukuti umwe mukabe mbukafu.” Kangi akabalilo kāko ififūnga ifi fikufika ku bāndu, kūko Sētāno alāmbalike i Nyānja Ingeseфу pankyēni pa bēne, Kyala aliketaga pasi ukwisila mu Lilopa lya Mwanundumiana Gwake Mwene, Yeso Kristi, nu kutobesya ububine bulibōsa ku bēne bābo bakābagile ukwisa kuno; kangi ububine buli sōkaga ngapo kangi buliyaga nu lutende bwa Lisyu lya Kyala nu lufingo lwa Kyala kangi u bupake bwa Kyala, kangi abāndu bali kilaniāga kula mu lufingo ulununu lula lwa bukafu bununu na maka. Tupaga icyene, Ntwa. Kangi uswe tukubika fyosa ifya icyene kwa Ugwe, mu Ngamu ya Mwanundumiana Gwako gwalugano, u Mpoki gwitu Yeso Kristi. Amenī.

<sup>171</sup> Kilundilo, ku Mwene yuyo amenye uswe twesa, kwa Umwene yu atufyusīsyē uswe ukuya kilingo Gwake nkisu, mu kipanga Kyake, sayo ingabi isya Kyala siliyaga pa umwe mwesa mpaka uswe twagane kangi. Ububōmbēlo bwītu ubukōnge, mūmo tumanyīle, bwīsa kuyaga ku kitēmbē, Pandungu kulubūnju, Pandungu gwa Pasa kulubunju. Polelo une nguyapa ka... ukukilania mu Illinois ukufuma kula. Akusaye umwe, pākisya ifipānga fyīnu, pākisya ifipānga ifinunu ifi, kolelela

indũmbũla syĩnu palikimo. Syāla pa Lisyu lya Kyala! Itũgalilaga Umwene, kabuno ifindu ifinyali filambalele pankyeni pa ugwe, kumbukilaga ikyo!

<sup>172</sup> Mpaka uswe twagane, unko uswe twĩme nukwimba:

Une nunganile Umwene, une mbaganile  
Umwene  
Panongwa yakuti Umwene alinganile une  
Kangi ālyulĩle ubupoki bwāngu  
Pa mpiki gwa Kalvari.

<sup>173</sup> Lilino, nulugĩndĩko, ponania amaboko nu munduyumo kunyuma kwa ugwe, pankyeni pa ugwe, kangi ku mbafu syĩnu.

Une nunganile Umwene . . .

Aligwesa lilino.

. . . Une nunganile Umwene  
Panongwa yakuti Umwene alinganile une  
Kangi ālyulĩle ubupoki bwāngu  
Pa mpiki gwa Kalvari.

<sup>174</sup> Lilino na maboko gĩnu mmwanya kwa Kyala, nalĩli nukulāta lilino, aligwēsa tēdeka ulwēne ukulila.

Une nunganile Umwene, une mbaganile  
Umwene  
Panongwa yakuti Umwene alinganile une  
Kangi ālyulĩle ubupoki bwāngu  
Pa mpiki gwa Kalvari.

<sup>175</sup> Unko uswe twinamisye imitu gyitu lilino.

Mpaka uswe twagane! mpaka uswe twagane!  
Mpaka uswe twagane pa malundi ga Yeso;

Kumbukilaga, bĩngi ba uswe tutisakwāganāmo siku kāngi mpaka kabalilo kala.

Mpaka uswe twagane! mpaka uswe twagane!  
Kyala ayege na ugwe mpaka uswe twagane  
kangi!

<sup>176</sup> Lilino ng'ung'usya ulwēne. U ntimi gwĩnu. Nkundwe Sullivan, mpaka uswe twāgane, nkundwe gwāngu. 🐦



61-0319 Ubwĩputi-pùti Bwa Yesebèli  
Kubupayilo Bwafwabwite Kwa Basikali Bakikolo  
Middletown, Ohio U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)